

山海經

正

九八二八

十五册

刻合經水經海山



山海經序

晉記室參軍郭璞撰



世之覽山海經者皆以其闕誕迂誇多奇恠倣儻之言莫不疑焉嘗試論之曰莊生有云人之所知莫若其所不知吾於山海經見之矣夫以宇宙之寥廓羣生之紛紜陰陽之煦蒸萬殊之區分精氣渾淆自相瀆薄遊魂靈恠觸像而構流形於山川麗狀於木石者惡可勝言乎然則總其所以垂鼓之於一響成其所以變混之於一象世之所謂異未知其所以異世之所謂不異未知其所以不異何者物不自異待我



山海經 序  
而後異異果在我非物異也故胡人見布而疑廣越人見蜀而駭毳夫翫所習見而奇所希聞此人情之常蔽也今略舉可以明之者陽火出於冰水陰鼠生於炎山而俗之論者莫之或恠及談山海經所載而咸恠之是不恠所可恠而恠所不可恠也不恠所可恠則幾於無恠矣恠所不可恠則未始有可恠也夫能然所不可不可所不可然則理無不然矣案汲郡竹書及穆天子傳穆王西征見西王母執璧帛之好獻錦組之屬穆王享王母于瑤池之上賦詩往來辭義可觀遂襲崑崙之丘遊軒轅之宮眺鍾山之嶺玩

帝者之寶勒石王母之山紀跡玄圃之上乃取其嘉木豔草奇鳥恠獸玉石珍瑰之器金膏燭銀之寶歸而殖養之於中國穆王駕八駿之乘右服盜驪左騂騶耳造父爲御犇戎爲右萬里長驚以周歷四荒名山大川靡不登濟東升大人之堂西燕王母之廬南轅馘鼉之梁北躡積羽之衢窮歡極娛然後旋歸案史記說穆王得盜驪騶耳驂騶之驥使造父御之以西巡狩見西王母樂而忘歸亦與竹書同左傳曰穆王欲肆其心使天下皆有車轍馬跡焉竹書所載則是其事也而譙周之徒足爲通識瑰儒而雅不平此



山海經  
驗之史考以著其妄司馬遷叙大宛傳亦云自張騫  
使大夏之後窮河源惡覩所謂崑崙者乎至禹本紀  
山海經所有怪物余不敢言也不亦悲乎若竹書不  
潛出於千載以作徵於今日者則山海之言其幾乎  
廢矣若乃東方生曉畢方之名劉子政辨盜械之尸  
王頎訪兩面之客海民獲長臂之衣精驗潛効絕代  
懸符於戲羣惑者其可以少寤乎是故聖皇原化以  
極變象物以應恠鑿無滯蹟曲盡幽情神焉瘦哉神  
焉瘦哉蓋此書跨世七代歷載三千雖暫顯於漢而  
尋亦寢廢其山川名號所在多有舛謬與今不同師

訓莫傳遂將湮泯道之所存俗之所喪悲夫余有懼  
焉故爲之創傳疏其壅閼闢其蕪蕪領其玄致標其  
洞涉庶幾令逸文不墜于世竒言不絕於今夏后之  
迹靡刊於將來八荒之事有聞於後裔不亦可乎夫  
蔚蒼之翔叵以論垂天之凌蹄涔之遊無以知絳虬  
之騰鈞天之庭豈伶人之所躡無航之津豈蒼兕之  
所涉非天下之至通難與言山海之義矣嗚呼達觀  
博物之客其鑒之哉



序畢

金陵徐智督刊

山海經目錄

第一

南山經

第二

西山經

第三

北山經

第四

東山經

第五



山海經  
目錄  
中山經

第六

海外南經

第七

海外西經

第八

海外北經

第九

海外東經

第十

海內南經

第十一

海內西經

第十二

海內北經

第十三

海內東經

第十四

大荒東經

第十五



大荒南經

第十六

大荒西經

第十七

大荒北經

第十八

海內經

山海經目錄

山海經第一

晉 郭璞傳  
明 吳瑄校

南山經

南山經之首曰騫山其首日招搖之山臨于西海之

上在蜀伏山山南之西頭濱西海也多桂桂葉似枇杷長二尺餘廣數寸味辛白花叢生山峯

冬夏常青間無雜木多金玉有草焉其狀如韭氏春秋曰招搖之桂食之不飢

韭音九爾雅云霍山亦多之而青花其名曰祝餘或作茶食之不飢

有木焉其狀如穀而黑理穀楮也皮作紙縹曰穀亦名構名穀者以其實如穀

也其花四照言有光燄也若木華赤其光照地亦此類也見離騷經其名曰迷



穀佩之不迷有獸焉其狀如禺而白耳禺似獼猴而大赤日長尾

今江南山中多有說者不了此物名禺作牛字圖亦作牛形或作猴皆失之也禺字音遇伏行人

走其名曰狺狺食之善走生牛禺獸狀如猿伏行交足亦此類也見京房易

麗麇之水出焉麇音作几而西流注于海其中多育沛未詳

佩之無瘕疾瘕蟲病也

又東三百里曰堂一作庭庭之山多棧木棧別名連其子似柰而赤

可食音剗多白猿今猿似獼猴而大臂脚長便捷色有黑有黃鳴其聲哀多水玉水玉

今水精也相如上林賦曰水玉磊砢赤松子所服見列仙傳多黃金

又東三百八十里曰狻翼之山其中多怪獸水多怪

魚凡言怪者皆謂貌狀澁奇不常也尸子曰徐偃王好怪沒深水而得怪魚入深山而得怪獸者多列

於庭多白玉多蝮虫蝮虫色如綬文鼻上有針大者百餘斤一名反鼻虫古虺字多

怪蛇多怪木不可以上

又東三百七十里曰柎陽之山音紐其陽多赤金銅也其

陰多白金銀也見爾雅山南為陽山北為陰有獸焉其狀如馬而白

首其文如虎而赤尾其音如謠如人歌聲其名曰鹿蜀佩

之宜子孫佩謂帶其皮尾怪水出焉而東流注于憲翼之水

其中多玄龜其狀如龜而鳥首虺尾虺尾銳其名曰旋

龜其音如判木如破木聲佩之不聾可以為底底躡也為猶治也外

傳曰疾不可為一作底猶病愈也東三百里柢山音帶多水無草木有

魚焉其狀如牛陵居蛇尾有翼其羽在鮎下亦作脅其



音如留牛莊子曰執犁之狗謂此牛也穆天子傳曰天子之狗執虎豹其名曰鯪

音六冬死而夏生此亦蟄類也謂之死者食之無腫疾言其蟄無所知如死耳

又東四百里曰亶爰之山亶音蟬多水無草木不可以

上言崇峭也有獸焉其狀如狸而有髦其名曰類類或作沛髦或

作髮自為牝牡食者不妬莊子亦曰類自為雌雄而化今豨猪亦自為雌雄

又東三百里曰基山其陽多玉其陰多怪木有獸焉

其狀如羊九尾四耳其目在背其名曰搏訖博施二音施一

作施佩之不畏不知恐畏有鳥焉其狀如雞而三首六目六

足三翼其名曰鷓鴣鷓鴣急性食之無臥使人少眠

又東三百里曰青丘之山亦有青丘國在海外水經云即上林賦云秋田於青

丘其陽多玉其陰多青藪藪音狐屬有獸焉其狀如狐

而九尾即九尾狐其音如嬰兒能食人食者不蠱敢其肉令人不

逢妖邪之氣或曰蠱蠱毒有鳥焉其狀如鳩其音若呵如人相名

曰灌灌或作濩濩佩之不惑英水出焉南流注于即翼之

澤其中多赤鱗音懼其狀如魚而人面其音如鴛鴦食

之不疥一作疾

又東三百五十里曰箕尾之山其尾跋于東海多沙

石跋古躄字言臨海上音存沔水出焉音芳而南流注于涓音育其中

多白玉凡雝山之首自招搖之山以至箕尾之山凡

十山二千九百五十里其神狀皆鳥身而龍首其祠



之禮毛言擇牲取其毛色也周用一璋玉瘞  
官曰錫祀用騂牲之毛  
璋瘞埋

也精用稌米  
精祀神之米名先呂反今江東音所一  
音壻稌稌稻也他觀反精或作疏非也

一壁稻米白菅為席也音間

南次二經之首曰柜山音矩西臨流黃北望諸毗東望

長右皆山名英水出焉西南流注于赤水其中多白玉

尸子曰水方折者有玉負折者有珠多丹粟細丹砂如粟也有獸焉其狀如豚

有距其音如狗吠其名曰狸力見則其縣多土功有

鳥焉其狀如鴟而人手其脚如人手其音如痺未詳其

名曰鴝音株其鳴自號也見則其縣多放士放放還或作效也

東南四百五十里曰長右之山無草木多水有獸焉

其狀如禺而四耳其名長右以山出此獸因以名之其音如吟

如人呻吟聲見則郡縣大水

又東三百四十里曰堯光之山其陽多玉其陰多金

有獸焉其狀如人而彘鬣穴居而冬蟄其名曰猾褢

滑懷其音如斲木如人所斲見則縣有大繇謂作役也或曰其縣

又東三百五十里曰羽山今東海祝其縣西南有羽山即縣所殛處計此道里

不相應其下多水其上多雨無草木多蝮虫也

又東三百七十里曰瞿父之山音劬無草木多金玉

又東四百里曰句餘之山無草木多金玉今在會稽餘姚縣南



句章縣北故此二縣因此  
為名云見張氏地理志

又東五百里曰浮玉之山北望具區具區今吳縣西南太湖也尚書

謂之震澤東望諸毗水名有獸焉其狀如虎而牛尾其音如

吠犬其名曰彘是食人若水出于其陰北流注于具

區其中多鯀魚鯀魚狹薄而長頭大者尺餘太湖中今饒之一名刀魚音祚啓反

又東五百里曰成山四方而三壇形如人築壇相累也成亦重耳其

上多金玉其下多青藪闕水出焉音涿而南流注于

流注于西虡勺虡音呼勺或作多下同其中多黃金今永昌郡水出金如糠在沙中

尸子曰清水出黃金玉英

又東五百里曰會稽之山四方今在會稽郡山陰縣南上有禹冢及井

其上多金玉其下多硃石硃武夫石似玉今長沙臨湘出之赤地白文色龍葱

不分勺水出焉而南流注于澳音鳴

又東五百里曰夷山無草木多沙石澳一作水出焉

而南流注于列塗

又東五百里曰僕勾一作之山其上多金玉其下多

草木無鳥獸無水

又東五百里曰咸陰之山無草木無水

又東四百里曰洵一作山其陽多金其陰多玉有獸

焉其狀如羊而無口不可殺也稟氣自然其名曰羆音還或音

患洵水出焉音詢而南流注于闕之澤音過其中多芘羸

山海經 卷之十一 四



紫色也

又東四百里曰虓勺之山其上多梓柟

梓山楸也柟大木葉似桑

今作楠音南爾雅以為柟

其下多荆杞

杞荀杞也子赤

滂水出焉

音滂沱之滂

而東流注于海

又東五百里曰區吳之山無草木多砂石鹿水出焉

而南流注于滂水

又東五百里曰鹿吳之山上無草木多金石澤更之

水出焉而南流注于滂水水有獸焉名曰蠱雕

蠱或作纂

其狀如雕而有角其音如嬰兒之音是食人

東五百里曰漆吳之山無草木多博石無玉

可以為博碁石

處于海東望丘山其光載出載入

神光之所潛耀

是惟日次

是日景之所次舍

凡南次二經之首自柜山至于漆吳之山

凡十七山七千二百里其神狀皆龍身而鳥首其祠

毛用一璧瘞糈用稌

稌穡也

南次三經之首曰天虞之山其下多水不可以上

東五百里曰禱過之山其上多金玉其下多犀兕

犀似

水牛猪頭痺脚脚似象有三蹄大腹黑色三角一在頂上一在額上一在鼻上在鼻上者小而墮食角也好取棘口中常灑血沫兕亦

一丈性妬不畜淫子

有鳥焉其狀如鵠

鵠似鳥而小脚近尾音駸箭之駸

而白

首三足

或作手

人面其名曰瞿如

音劬

其鳴自號也浪水



出焉

音銀

而南流注于海其中有虎蛟

蛟似蛇四足龍屬

其狀

魚身而蛇尾其音如鴛鴦食者不腫可以已痔

又東五百里曰丹穴之山其上多金玉丹水出焉而

南流注于渤海

渤海海岸曲崎頭也

有鳥焉其狀如雞五采而

文名曰鳳皇首文曰德翼文曰義背文曰禮膺文曰

仁腹文曰信是鳥也飲食自然自歌自舞見則天下

安寧

漢時鳳鳥數出高五六尺五采莊周說鳳文字與此有異廣雅云鳳雞頭鸛鵠蛇頸龜背魚尾

雌曰皇雄曰鳳

又東五百里曰發爽

或作喪

之山無草木多水多白猿

沅水出焉而南流注于渤海

又東四百里至于旄山之尾其南有谷曰育遺

或作隧

多怪鳥

廣雅曰鷩鷩鷩鷩朋爰居鷩雀皆怪鳥之屬也

凱風自是出

凱風南風

又東四百里至于非山之首其上多金玉無水其下

多蝮虫

又東五百里曰陽夾之山無草木多水

又東五百里曰灌湘之山上多木無草多怪鳥無獸

一作灌湖射之山

又東五百里曰鷩山其上多金其下多丹雘

雘赤色者或曰

雘美丹也見尚書音尺蠖之蠖

黑水出焉而南流注于海其中有鱒

魚

音團扇之團

其狀如鮒而彘毛其音如豚見則天下大



早

又東四百里曰令丘之山無草木多火其南有谷焉

曰中谷條風自是出東北風為條風記曰條風至出輕繫督逋留有鳥焉

其狀如梟人面四目而有耳其名曰顛音娛其鳴自號

也見則天下大旱

又東三百七十里曰侖者之山音論說之論一音倫其上多金

玉其下多青護有木焉其狀如穀而赤理其汗如漆

其味如飴食者不飢可以釋勞其名曰白蓉或作畢蘇畢蘇

一名白蓉見廣雅音羔可以血玉血謂可用染玉作光彩

又東五百八十里曰禺橐之山多怪獸多大蛇

東五百八十里曰南禺之山其上多金玉其下多水

有穴焉水出輒入夏乃出冬則閉佐水出焉而東南

流注于海有鳳皇鸕鷀亦鳳屬

凡南次三經之首自天虞之山以至南禺之山凡一

十四山六千五百三十里其神皆龍身而人面其祠

皆一白狗祈祈請禱也糈用稌

右南經之山志大小凡四十山萬六千三百八十

里



山海經第一

山海經第二

西山經

晉郭璞傳  
明吳瑄校

西山經華山之首曰錢來之山其上多松其下多洗

石澡洗可以礫體去垢圻礫初兩反有獸焉其狀如羊而馬尾名曰

臧羊今大月氏國有大羊如驢而馬尾爾雅云羊六尺為臧謂此羊也臧音針其脂可以

已腊治體皴腊音昔

西四十五里曰松果之山濩水出焉北流注于渭其

中多銅有鳥焉其名曰鳴渠鳴音形弓之形其狀如山雞黑



身赤足可以已曝

謂皮皴起也音叵駁反

又西六十里曰太華之山

即西岳華陰山也今削成在弘農華陰縣西南

而四方

今山形上大下小峭峻也

其高五千仞其廣十里

仞八尺也上有

明星玉女持玉漿得上服之即成仙道險僻不通時含神霧云

鳥獸莫居有蛇焉名

曰肥蠶六足四翼見則天下大旱

湯時此蛇見於陽山下復有肥遺蛇

疑是同名

又西八十里曰小華之山

即少華山其木多荆杞其獸多

牝牛

今華陰山中多山牛山羊肉皆千斤牛即此牛也音昨

其陰多磬石

可以為樂

石其陽多璵璠之玉

璵璠玉名所未詳也澇浮兩音

鳥多赤鷲

赤鷲山雞

之屬曾復洞赤冠金皆黃頭綠尾中有赤毛彩鮮明音作蔽或作鼈

可以禦火其草有

草荔

草荔香草也蔽戾兩音

狀如烏韭而生於石上亦緣木而

生

烏韭在屋者曰昔邪在墻者曰垣衣

食之已心痛

又西八十里曰符禺之山其陽多銅其陰多鐵其上

有木焉名曰文莖其實如棗可以已聾其草多條其

狀如葵而赤花黃實如嬰兒舌食之使人不惑符禺

之水出焉而北流注于渭其獸多葱蘢其狀如羊而

赤鬣其鳥多鷓

音旻

其狀如翠而赤喙

翠似燕而緝色也

可以

禦火

畜之辟火災也

又西六十里曰石脆之山其木多欒柟

欒樹高三二丈許無枝條葉

大而員枝生稍頭實皮相裹上行一皮者為一節可以為繩一名柟柟音馬駿之駿其草多條



其狀如韭而白華黑實食之已疥其陽多璵璠之玉  
其陰多銅灌水出焉而北流注于禺水其中有流赭

赭赤土以塗牛馬無病今人亦以朱塗牛角云以辟惡馬或作角

又西七十里曰英山其上多柎榿柎似棗而細葉一

中車材音姜其陰多鐵其陽多赤金禺水出焉北流注于

招水音韶其中多鮭魚音同蚌蛤之蚌其狀如鼈其音如羊其

陽多箭簞今漢中郡出簞竹厚裏而長節根深其獸

多牝牛羴羊有鳥焉其狀如鶉黃身而赤喙其名曰

肥遺食之已癘癘疫病也或曰惡創韓子曰癘人憐主可以殺蟲

又西五十二里曰竹山其上多喬木枝上竦者音橋其陰多

鐵有草焉其名曰黃蘗其狀如樗其葉如麻白華而

赤實其狀如赭紫赤色浴之已疥又可以已胗治胗腫也音符

竹水出焉北流注于渭其陽多竹箭箭篠也多蒼玉丹

水出焉今所在有丹水東南流注于洛水其中多水玉多人

魚如鯀魚四脚有獸焉其狀如豚而白毛大如笄而黑端

笄籜屬名曰毫彘彘猪也夾髀有麓豪長數尺能以脊上毫射物亦自為牝牡彘或作假吳

楚呼為鸞猪亦此類也

又西百二十里曰浮山多盼木音美目盼枳葉而無

傷枳刺針也能傷人故名云木蟲居之在樹之中有草焉名曰薰草音訓

麻葉而方莖赤華而黑實臭如薜蘿薜蘿香草易曰其臭如蘭眉無



音兩佩之可以已癘

又西七十里曰踰次之山音史漆水出焉今漆水出岐山北流

注于渭其上多棫樞棫白椴也音域其下多竹箭其陰多赤

銅其陽多嬰垣之玉垣或作短或作根或作埋傳寫謬錯未可得詳有獸焉

其狀如禺而長臂善投其名曰囂亦在畏獸畫中似獼猴投擲也有

鳥焉其狀如梟人面而一足曰橐音肥冬見夏蟄服

之不畏雷著其毛羽令人不畏天雷也或作突

又西百五十里曰時山無草木逐或作遂水出焉北流

注于渭其中多水玉

又西百七十里曰南山上多丹粟丹水出焉北流注

于渭獸多猛豹猛豹似熊而小毛淺有光澤能食蛇食銅鐵出蜀中豹或作虎鳥多

尸鳩尸鳩布穀類也或曰鳩鷓也鳩或作丘

又西百八十里曰大時之山上多穀柞柞下多柎樞

陰多銀陽多白玉涿水出焉音潛北流注于渭清水出

焉南流注于漢水今河內脩武縣縣北黑山亦出清水

又西三百二十里曰蟠冢之山今在武都氏道縣南蟠音波漢水

出焉而東南流注于沔至江夏安陸縣江即沔水囂水出焉北流

注于湯水或作陽其上多桃枝鈎端鈎端桃枝屬獸多犀兕

熊羆羆似熊而黃白色猛憨能拔樹鳥多白翰赤鷩白翰白鷩也亦名鷩雉又曰白

雉有草焉其葉如蕙蕙香草蘭屬也或以蕙為薰葉失之音惠其本如桔



梗本根也黑華而不實名曰菁蓉爾雅釋草曰榮而食不實謂之菁音骨之使人無子

又西三百五十里曰天帝之山上多櫻柎下多管蕙管茅類也有獸焉其狀如狗名曰谿或作邊或作遺席其皮

者不蠱有鳥焉其狀如鶉黑文而赤翁翁頭下毛音及甕之甕名曰櫟音沙櫟之櫟食之已痔有草焉其狀如葵其臭如

薜蕪名曰杜衡香草也可以走馬帶之令人便馬或曰馬得之而健走食之已瘦

西南三百八十里曰臯塗之山薺音色或作黃又作菑水出焉西流注于諸資之水塗水出焉南流注于集獲之水

其陽多丹粟其陰多銀黃金其上多桂木有白石焉

其名曰舉可以毒鼠今舉石殺鼠音豫蠶食之而肥有草焉其狀如

橐茷橐茷香草其葉如葵而赤背名曰無條可以毒鼠有獸焉其狀如鹿而白尾馬足人手前兩脚似人手而四角名曰櫻如音猴櫻之嬰有鳥焉其狀如鴟而人足名曰數斯

食之已瘦或作廂又西百八十里曰黃山今始平槐里縣有黃山上故有宮漢惠帝所起疑非此

無草木多竹箭盼水出焉音美目盼西流注于赤水其中多玉有獸焉其狀如牛而蒼黑大目其名曰犛

音敏有鳥焉其狀如鶉青羽赤喙人舌能言名曰鸚鵡



鸚鵡舌似小兒舌脚指前後各兩扶南徼外出五色者亦有純赤白者大如馬也

又西二百里曰翠山其上多櫻柎其下多竹箭其陽

多黃金玉其陰多旄牛麋麋麋似羊而大角細食好在山崖間麋似獐而小

有香其鳥多鷓鴣音壘其狀如鵲赤黑而兩首四足可以禦

火

又西二百五十里曰騮山音巍一音隗是錔于西海錔猶

堤埤也音無草木多玉淒水出焉或作淒西流注于海

其中多采石黃金采石石有采色者今多丹粟

凡西經之首自錢來之山至于騮山凡十九山二千

九百五十七里華山冢也冢者神鬼之所舍也其祠之禮太牢

牛羊豕為太牢 隄山神也祠之用燭或作燭齋百日以百犧牲

為犧者 瘞用百瑜瑜亦美玉湯或作湯其酒百樽溫酒嬰

以百珪百璧嬰謂陳之以環祭也或曰嬰即古罌字謂孟也徐州云穆天子傳曰黃金之嬰

其餘十七山之屬皆毛牲用一羊祠之牲謂牲體全具也左傳曰

牲牲肥燭者百草之未灰白蓆采等純之純綠也五色純之等

差其文綵也周禮莞席紛純

西次二經之首曰鈴山音髡鉗之鉗或作冷又作塗其上多銅其

下多玉其木多杻榘

西二百里曰泰或作泰胃之山其陽多金其陰多鐵浴

山海經 卷之二



水出焉東流注于河其中多藻玉藻玉玉有符彩者或作東音練多

白蛇水蛇

又西一百七十里曰數歷之山其上多黃金其下多

銀其木多柎樞其鳥多鸚鵡楚水出焉而南流注于

渭其中多白珠今蜀郡平澤出青珠尸子曰水員折者有珠

又西百五十里曰高山其上多銀其下多青碧碧亦玉類

也今越雋會稽縣東山出碧雄黃晉大興三年高平郡界有山崩其中出數千斤雄黃其木

多櫟其草多竹涇水出焉音而東流注于渭今涇水出安定

朝那縣西井頭山至京兆高陵縣入渭也其中多磐石書曰泗濱浮磬是也青碧

西南三百里曰女牀之山其陽多赤銅其陰多石涅

即礬石也楚人名為涅石秦名為羽涅也本草經亦名曰石涅也其獸多虎豹犀兕

有鳥焉其狀如翟而五彩文翟似雉而大長尾或作鸚鵡屬也名曰

鸞鳥見則天下安寧舊說鸞似鸚鵡瑞鳥也周成王時西戎獻之

又西二百里曰龍首之山其陽多黃金其陰多鐵若

水出焉東南流注于涇水其中多美玉

又西二百里曰鹿臺之山今在上郡其上多白玉其下多

銀其獸多柞牛羝羊白豪豪豕也有鳥焉其狀如雄雞

而人面名曰鳧僕其名自叫也見則有兵

西南二百里曰鳥危之山其陽多磬石其陰多檀楮

楮即穀木其中多女牀未詳鳥危之水出焉西流注于赤水



山海經 卷之二

其中多丹粟

又西四百里曰小次之山其上多白玉其下多赤銅有獸焉其狀如猿而白首赤足名曰朱厭見則大兵

一作見則有兵起 馬一作見則為兵

又西三百里曰大次之山其陽多堊堊似土色 甚白音惡其陰

多碧其獸多牝牛麇羊

又西四百里曰薰吳之山無草木多金玉

又西四百里曰玄陽之山音旨其木多稷柟豫章稷似松有

刺細理音即豫章大木似楸葉 冬夏青生七年而後復可知也其獸多犀兕虎豹牝

牛豹音之 樂反

又西二百五十里曰衆獸之山其上多璵璠之玉其

下多檀楮多黃金其獸多犀兕

又西五百里曰皇人之山其上多金玉其下多青雄

黃即雄黃也或曰空青曾青之屬皇水出焉西流注于赤水其中多

丹粟

又西三百里曰中皇之山其上多黃金其下多蕙棠

形棠之屬也 蕙或作羔

又西三百五十里曰西皇之山其陽多金其陰多鐵

其獸多麋鹿牝牛麋大如小 牛鹿屬也

又西三百五十里曰萊山其木多檀楮其鳥多羅羅



是食人羅羅之鳥所未詳也

凡西次二經之首自鈴山至于萊山凡十七山四千

一百四十里其十神者皆人面而馬身其七神皆人

面牛身四足而一臂操杖以行是為飛獸之神其祠

之毛用少牢羊猪為少牢也白管為席其十輩音背神者其祠

之毛一雄雞鈴而不糝鈴所用祭器名所未詳也或作思訓祈不糝祠不以米

毛采言用雄色鷄也

西次三經之首曰崇吾之山在河之南北望冢遂山名

南望彘之澤音遙西望帝之搏獸之丘搏或作簿東望鳩音於

然淵有木焉員葉而白柎今江東人呼草木子房為柎音府一曰柎花下鄂音

丈夫字或作柎音符赤華而黑理其實如枳食之宜子孫有獸

焉其狀如禺而文臂豹虎而善投名曰舉父或作李父有

鳥焉其狀如鳧而一翼一目相得乃飛名曰蠻蠻北翼

鳥也色青赤不比不能飛爾雅作鷓鷯鳥也見則天下大水

西北三百里曰長沙之山泚水出焉音紫北流注于沔

水鳥交反又音黝水色黑也無草木多青雄黃

又西北三百七十里曰不周之山此山形有缺不周匝處因名云西北

不周風自此山出北望諸毗之山臨彼嶽崇之山東望沔澤

河水所潛也其源渾渾泡泡河南出崑崙潛行地下至葱嶺出于闐國復分

流岐出合而東流注沔澤已復潛行南出于積石山而為中國河也名沔澤即蒲澤一名蒲昌海廣三四



百里其水停冬夏不增減去玉門關三百餘里即河  
之重源所謂潛行也渾渾潭泡泡水漬涌之聲也衮咆  
音二爰有嘉果其實如桃其葉如棗黃華而赤柎食之  
不勞

又西北四百二十里曰峯音密山其上多丹木員葉而

赤莖黃華而赤實其味如飴食之不飢丹水出焉西

流注于稷澤后稷神所其中多白玉是有玉膏其源

沸沸湯湯玉膏涌出之貌也河圖玉版曰少室山其

拂黃帝是食是饗所以得登龍於是生玄玉言玉膏

也黑玉玉膏所出以灌丹木丹木五歲五色乃清言光

五味乃馨言滋黃帝乃取峯山之玉榮謂玉華也離

之華英又曰登崑崙崙今食玉而投之鍾山之陽以為

瑾瑜之玉為良言最善也或作堅粟精密說玉理也

密似粟粟或作栗玉濁澤有而光潤謂五色發作符

有粟文所謂穀璧也蒸粟白如割肪黑如醇漆玉之符彩也以和柔剛

言玉協天地鬼神是食是饗玉所以祈祭者言君子

服之以禦不祥今徽外出金剛石石屬而似金有光

亦此類也自峯山至于鍾山四百六十里其間盡澤也是

多奇鳥怪獸奇魚皆異物焉

又西北四百二十里曰鍾山其子曰鼓此亦神名名

子耳其類皆其狀如人面而龍身啓筮曰麗山之子

見歸藏啓筮其狀如人面而龍身青羽人面馬身亦



狀也。是與欽鴉音邛殺葆江于崑崙之陽葆或祖帝乃戮

之鍾山之東曰崑音遙崖欽鴉化為大鶚鶚鵠屬也音愕其狀

如鵬而黑文白首赤喙而虎爪其音如晨鵠晨鵠屬音猶云

狀如鴟赤足而直喙黃文而白首其音如鵠見即其

邑大旱穆天子傳云鍾山作春字音同耳穆王北升

百獸之所聚飛鳥之栖也爰有赤豹白虎白鳥青鸞

乾犬羊食豕鹿穆王五日觀于鍾山乃為銘迹於縣

園之上以詔後世

又西百八十里曰秦噐之山觀水出焉西流注于流沙是多文鯀魚音遙狀如鯉魚魚身而鳥翼蒼文而白

首赤喙常行西海遊於東海以夜飛其音如鸞雞鸞雞

鳥名未詳其味酸甘食之已狂見則天下大穰穰豐穰也或作樂也韓子曰穰歲之秋

又西三百二十里曰槐江之山丘時之水出焉而北

流注于沕水其中多羸毋即蝶螺也其上多青雄黃多藏

琅玕黃金玉琅玕石似珠者藏猶隱也即于二音其陽多丹粟其陰多

采黃金銀實惟帝之平圃即玄圃也穆天子傳曰乃為銘迹於玄圃之上謂刑

石紀功德如秦皇神英招司之司主也其狀馬身而

人面虎文而鳥翼徇于四海徇謂周其音如榴音留或作

南望崑崙其光熊熊其氣魂魂皆光氣炎盛相焜耀之貌

未詳也



西望大澤后稷所潛也后稷生而靈知及其終化形

尾也其中多玉其陰多榘木之有若榘木大木也言

大木之奇靈者為若見尸北望諸毗山名

子國語曰榘木不生花也離命其所宅也鷓亦鷓屬也莊周曰鷓鴣

有白鳥青雕東望恒山四成成亦重也爾雅

皆此族類也居之各在一搏搏猶脅也言羣鬼各以類聚處山

有淫水其清洛洛水留下之貌有天神焉其狀如牛

而八足二首馬尾其音如勃皇勃皇未詳見則其邑有兵

西南四百里曰崑崙之丘是實惟帝之下都天帝都

下者也穆天子傳曰吉日辛酉天子升于崑崙之丘以觀黃帝之宮而封豐隆之葬以詔後世言增封於

崑崙山神陸吾司之吾得之以處大山也其神狀虎

身而九尾人面而虎爪是神也司天之九部及帝之

囿時主九城之部界天有獸焉其狀如羊而四角名

曰土螻是食人有鳥焉其狀如蜂大如鴛鴦名曰欽

原欽或作爰蠹鳥獸則死蠹木則枯有鳥焉其名曰

鷓鳥是司帝之百服服器服也有木焉其狀如

棠棠梨也華黃赤實其味如李而無核名曰沙棠可以

禦水食之使人不溺言體浮輕也沙棠為木不可得

之實銘曰安得沙棠刻以遊有草焉名曰蕢草音

如葵其味如葱食之已勞呂氏春秋曰菜之河水出



焉出山東北隅也而南流東注于無達山名赤水出焉出山東南隅也

而東南流注于汜天之水汜天亦山名穆天子傳曰遂宿于崑崙

之側赤水之陽陽水北也洋水出焉出山西北隅或作清而西南流注

于醜塗之水醜塗亦山名也皆在南極穆天子傳曰黑

水出焉亦出西北隅也而西流于大杆山名也穆天子傳曰

西河是惟崑崙鴻鷺之屬也上以為周室王杆音于是多怪鳥獸謂有一鳥六首之

又西三百七十里曰樂游之山桃水出焉西流注于

稷澤是多白玉其中多鱗魚音滑其狀如蛇而四足是

食魚

其

西水行四百里曰流沙二百里至于羸母之山神長

乘司之是天之九德也九德九氣所生其神狀如人而豹

反尾其上多玉其下多青石而無水

又西三百五十里曰玉山是西王母所居也此山多玉石因

以名云穆天子傳謂之羣玉之山見其山河無險四

徹中繩先王之所謂策府寡草木無鳥獸穆王於是

攻其玉石取玉石版三乘玉器服物載玉萬隻以歸雙玉為鼓半鼓為隻西王母其狀如

人豹尾虎齒而善嘯蓬髮戴勝蓬頭亂髮勝玉勝也音龐是司天

之厲及五殘王知災厲五刑殘殺之氣也穆天子傳

白壁以見西王母獻錦組百縷金玉百斤西王母再拜受之乙丑天子觴西王母于瑤池之上西王母為天子謠曰白雲在天山陵自出道里悠遠山川間之將子無歎尚復能來天子畲之曰予還東土和理諸



夏萬民均平吾顧見汝比及三年將復而野西王母  
 又為天子吟曰徂彼西土爰居其所虎豹為羣鳥鵲  
 與處嘉命不遷我惟帝女彼何世民又將去子吹笙  
 鼓簧中心翺翺世民之子惟天之望天子遂驅升于  
 奄山乃紀迹于奄山之石而樹之槐眉曰西王母之  
 山奄山即崦嵫山也案竹書穆王五十七年西王母  
 來見賓于昭宮舜時西王有獸焉其狀如犬而豹文  
 母遣使獻玉環見禮三朝

其角如牛

羊或作

其名曰狡其音如吠犬見則其國大

禳

晉太康七年邵陵扶夷縣檻得一獸狀如豹文有二角無前兩脚時人謂之狡疑非此

有鳥

焉其狀如翟而赤名曰胜遇

音

是食魚其音如錄

義未詳

見則其國大水

又西四百八十里曰軒轅之丘無草木

黃帝居此丘娶西陵氏女

因號軒轅丘

洵水出焉

音

南流注于黑水其中多丹粟多

### 青雄黃

又西三百里曰積石之山其下有石門河水自以西

流

冑猶覆也積石山今在金城河門關西南羌中河水行塞外東入塞內

是山也萬物

無不有焉

水經引山海經云積石山在鄧林山東河所入也

又西二百里曰長留之山其神白帝少昊居之

少昊金天

氏帝摯之號也

其獸皆文尾

或作長

其鳥皆文首

文或作長

是多文

玉石實惟員神魄氏之宮

音

是神也主司反景

日西入則

景反東照王司察之

又西二百八十里曰章莪之山無草木多瑤碧

碧亦玉屬

所為甚怪

多有非常之物

有獸焉其狀如赤豹五尾一角其



音如擊石其名如猙京氏易義曰音如石相擊音靜也有鳥焉其狀

如鶴一足赤文青質而白喙名曰畢方其鳴自叫也

見則其邑有譌火譌亦妖訛字

又西三百里曰陰山濁浴之水出焉而南流注于蕃

澤其中多文貝餘泉砥之類也見爾雅有獸焉其狀如狸或作豹

而白首名曰天狗其音如榴榴或作猫猫可以禦凶

又西二百里曰符惕之山音陽其上多櫻柎下多金玉

神江疑居之是山也多怪雨風雲之所出也

又西二百二十里曰三危之山今在嶽煌郡尚書云寘二苗于三危是也

三青鳥居之是山也廣員百里三青鳥主為西王母取食者別自棲息於

此山也竹書曰穆王西征至于青鳥所解也

其上有獸焉其狀如牛白身

四角其毫如披蓑蓑辟雨之衣也音梭其名曰傲傲噎是食

人有鳥焉一首而三身其狀如鸛其名曰鴟鸛似鴟黑文赤

頸音洛下句或云扶符則短扶木則枯應在上欽原下脫錯在此耳

又西一百九十里曰騮山其上多玉而無石神者童

居之者童老童顯頰之子其音常如鍾磬其下多積蛇

又西三百五十里曰天山多金玉有青雄黃英水出

焉而西南流注于湯谷有神焉其狀如黃囊赤如丹

火體色黃而精光赤也六足四翼渾敦無面目是識歌舞實惟

帝江也夫形無全者則神自然靈照精無見者則闇與理會其帝江之謂乎莊生所云中央之帝

山海經卷之二



混沌為儵忽所鑿七竅而

又西二百九十里曰泐山泐音黝黑之黝神蓐收居之亦金神也

人面虎爪白尾其上多嬰短之玉未詳其陽多瑾瑜之

玉其陰多青雄黃是山也西望日之所入其氣員員故其氣

象亦然也神紅光之所司也未聞其狀

西水行百里至于翼望之山或作土翠山無草木多金玉

有獸焉其狀如狸一目而三尾名曰謹謹音歡或作原其音

如棄百聲言其能作百種物聲也或曰棄百物名亦所未詳是可以禦凶服

之已瘳黃瘳病也音旦有鳥焉其狀如鳥三首六尾而善笑

名曰鵠鷁鵠餘兩音服之使人不厭不厭夢也周書曰服者不昧音莫禮反或

曰昧昧目也又可以禦凶

凡西次三經之首崇吾之山至于翼望之山凡二十

三山六千七百四十四里其神狀皆羊身人面其祠

之禮用一吉玉瘞玉加采色者也尸子曰吉玉大龜糝用稷米

西次四經之首曰陰山上多穀無石其草多茆蕃茆

葵也番青蕃似莎而大茆煩兩音陰水出焉西流注于洛

北五十里曰勞山多茆草一名茆中染紫也弱水出焉而西

流注于洛

西五十里曰罷父之山洱水出焉音耳而西流注于洛

其中多茆碧



北百七十里曰申山其上多穀柞其下多柎檀其陽多金玉區水出焉而東流注于河

北二百里曰鳥山其上多桑其下多楮其陰多鐵其陽多玉辱水出焉而東流注于河

又北百二十里曰上申之山上無草木而多硤石硤石貌也音洛下多榛楛榛子似栗而小味美楛木可以為箭詩云榛楛濟濟臻枯兩音

獸多白鹿其鳥多當扈或作尸其狀如雉以其髯飛下須毛也食之不眴目音眩湯水出焉東流注于河

又北百八十里曰諸次之水出焉而東流注于河是山也多木無草鳥獸莫居是多衆蛇

又北百八十里曰號山其木多漆櫟漆樹似櫟也其草多葍薶芎窮葍白芷別名薶香草也芎窮一名江薶葍音鳥較反多泠石泠或音金未詳

端水出焉而東流注于河

又北二百二十里曰孟山音于其陰多鐵其陽多銅其獸多白狼白虎外傳曰周穆王伐犬戎得四白狼白虎名魁隤其鳥多白雉白翟或作白翠生水出焉而東流注于河

西二百五十里曰白於之山上多松柏下多櫟檀櫟即柞其獸多牝羊其鳥多鷄鷄似鳩而青色洛水出于其

陽而東流注于渭夾水出于其陰東流注于生水

西北三百里曰申首之山無草木冬夏有雪申水出



于其上潛于其下是多白玉

又西五十五里曰涇谷之山或無之山二字涇水出焉或以此為

今涇水未詳東南流注于渭是多白金白玉

又西百二十里曰剛山多柴木多璵璠之玉剛水出

焉北流注于渭是多神隗隗亦魑魅之類也音耻回反或作隗其狀人

面獸身一足一手其音如欽欽亦吟字假音

又西二百里至剛山之尾洛水出焉而北流注于河

其中多蠻蠻其狀鼠身而鼈首其音如吠犬

又西三百五十里曰英鞮之山上多漆木下多金玉

鳥獸盡白澆水出焉澆或作澆音宛枉之宛而北注于陵羊之

澤是多冉遺之魚魚身蛇首六足其目如馬耳食之

使人不昧可以禦凶

又西三百里曰中曲之山其陽多玉其陰多雄黃白

玉及金有獸焉其狀如馬而白身黑尾一角虎牙爪

音如鼓音其名曰駮是食虎豹爾雅說駮不道有角及虎瓜駮亦在畏狩

畫中可以禦兵養之辟兵刃也有木焉其狀如棠而員葉赤實

實大如木瓜木瓜如小瓜名曰櫟木音懷食之多力尸子曰木食之

人多為仁者名為若木此之類又西二百六十里曰邽山音圭其上有獸焉其狀如牛

蝟毛名曰窮奇音如犴狗是食人或云似虎蝟毛有翼銘曰窮奇之獸

又西二百六十里曰邽山音圭其上有獸焉其狀如牛

蝟毛名曰窮奇音如犴狗是食人或云似虎蝟毛有翼銘曰窮奇之獸

又西二百六十里曰邽山音圭其上有獸焉其狀如牛

蝟毛名曰窮奇音如犴狗是食人或云似虎蝟毛有翼銘曰窮奇之獸



厥形甚醜馳逐妖邪莫不濛水出焉音蒙南流注于洋

水其中多黃貝貝甲虫肉如科羸魚音螺魚身而鳥翼

音如鴛鴦見則其邑大水

又西二百二十里曰鳥鼠同穴之山今在隴西首陽縣西南山有鳥

鼠同穴鳥名曰鷦鼠名曰鼯鼯如人家鼠而短尾鷦似燕而黃色穿地入數尺鼠在內鳥在外而共處孔

氏尚書傳曰共為雌雄張氏地理記云不為牡牝也其上多白虎白玉渭水出

焉而東流注于河出山東至弘農華陰縣入河其中多鱖魚音騷其

狀如鱣魚鱣魚大魚也口在頷下體有連甲也或作鮎鯉動則其邑有大兵

或脫無從動則以下語者濫水出于其西音檻西流注于漢水多鰲

魮之魚如玳兩音其狀如覆鈔鳥首而魚翼魚尾音如磬

石之聲是生珠玉亦珠母蚌類而能生出之

西南三百六十里曰崦嵫之山日沒所入山也見其離騷奄茲兩音其

上多丹木其葉如穀其實大如瓜赤符而黑理食之

已瘴可以禦火其陽多龜其陰多玉茗或作茗水出焉

而西流注于海禹大傳曰消盤之水出崦嵫山其中多砥礪磨石也精為砥

麤為礪也有獸焉其狀馬身而鳥翼人面蛇尾是好舉人

喜抱舉人名曰執湖有鳥焉其狀如鴉而人面蝮身犬尾

蝮人舉人音誅見中山經尾又作皆其名自號也或作設設亦呼耳疑

此脫見則其邑大旱

凡西次四經自陰山以下至於崦嵫之山凡十九山



三千六百八十里其祠祀禮皆用一白鷄祈糈以稻米白管為席

右西經之山凡七十七山一萬七千五百一十七里

山海經第二

山海經第三

晉郭璞傳  
明吳瑄校

北山經

北山經之首曰單狐之山多机木机木似榆可燒以糞稻田出蜀中音

飢其上多華草逢水出焉逢音而西流注于沕水其中

多瓦石文石

又北二百五十里曰求如之山其上多銅其下多玉

無草木滑水出焉而西流注于諸毗之水毗水出諸其

中多滑魚其狀如鱣赤背鱣魚似其音如梧如人相



音吾子 食之已疣 疣贅也 其中多水馬其狀如馬文臂

牛尾 臂前脚也周禮曰馬黑脊而斑臂腰漢武元狩四年燉煌渥洼水出焉以為靈瑞者即此類也

其音如呼 如人呼

又北三百里曰帶山其上多玉其下多青碧有獸焉

其狀如馬一角有錯 言角有甲錯也或作曆 其名曰臚疏 音歡 可

以辟火有鳥焉其狀如烏五采而赤文名曰鷦鷯 上

有此鳥疑同名 是自為牝牡食之不疽 無癰疽病也 彭水出焉而

西流注于比湖之水其中多儵魚 音由 其狀如鷄而赤

毛三尾六足四首其音如鵲食之可以已憂

又北四百里曰譙明之山譙水出焉西流注于河其

中多何羅之魚一首而十身其音如吠犬食之已癰

有獸焉其狀如貍而赤豪 貍豪猪也音丸 其音如榴榴名曰

孟槐可以禦凶 辟凶邪氣也亦在畏符畫中也 是山也無草木多青

雄黃 一作多青碧

又北三百五十里曰涿光之山囂水出焉而西流注

于河其中多鰓鰓之魚 音袴褶之褶 其狀如鵲而十翼鱗

皆在羽端其音如鵲可以禦火食之不痺其上多松

栢其下多欒檀其獸多麇羊其鳥多蕃 未詳或云即鴉音煩

又北三百八十里曰號山其上多漆其下多桐栝 桐

栝也栝橫木腫節中杖栝音祛 其陽多玉其陰多鐵伊水出焉西流



注于河其獸多橐駝有肉鞍善行流沙中日行三百里其負千斤知水泉所在也

其鳥多寓狀如鼠而鳥翼其音如羊可以禦兵

又北四百里至于號山之尾其上多玉而無石魚水

出焉西流注于河其中多文貝

又北二百里曰丹熏之山其上多檮柏其草多韭薤

皆山菜爾雅有其名多丹雘熏水出焉而西流注于棠水有獸

焉其狀如鼠而菟首麋身其音如犍犬以其尾飛或

髯飛犍音豪名曰耳鼠食之不脛脛大腹也見禪倉音采也又可以禦

百毒

又北二百八十里曰石者之山其上無草木多瑤碧

泚水出焉西流注于河有獸焉其狀如豹而文題白

身題額也名曰孟極是善伏其鳴自呼

又北百一十里曰邊春之山或作春山多葱葵韭山葱名蒼大葉

桃李山桃橈桃子小不解核也杠水出焉而西流注于洶澤有獸

焉其狀如禺而文身善笑見人則臥言伴眠也名曰幽鷓

或作嬾媿鳩音邊其鳴自呼

又北二百里曰蔓聯之山萬連二音其上無草木有獸焉

其狀如禺而有鬣牛尾文臂馬蹄見人則呼名曰足

訾其鳴自呼有鳥焉羣居而朋飛朋猶羣也其毛如雌雉

名曰鷓交音或作渴也其鳴自呼食之已風



又北百八十里曰單張之山其上無草木有獸焉其

狀如豹而長尾人首而牛耳一目名曰諸犍音如犍牛之犍

善吒行則銜其尾居則蟠其尾有鳥焉其狀如雉而

文首白翼黃足名曰白鶴音夜食之已嗑痛梁傳曰嗑

不容粒今吳人呼咽為嗑音嗑可以已痢痢癡病也櫟水出焉而南流注

于杠水

又北三百二十里曰灌題之山其上多樗栝其下多

流沙多砥有獸焉其狀如牛而白尾其音如訃如人呼喚

名曰那父有鳥焉其狀如雌雉而人面見人則

躍跳躍名曰竦斯其鳴自呼也匠韓之水出焉而西流

注于洶澤其中多磁石可以取鐵管子曰山上有磁石者下必有銅音慈

又北二百里曰潘侯之山其上多松柏其下多榛楛

其陽多玉其陰多鐵有獸焉其狀如牛而四節生毛

名曰旄牛今旄牛背膝及胡尾皆有長毛邊水出焉而南流注于櫟

澤

又北二百三十里曰小咸之山無草木冬夏有雪

北二百八十里曰大咸之山無草木其下多玉是山

也四方不可以上有蛇名曰長蛇其毛如彘豪說者云長

百尋今蝮蛇色似艾綬文文間有毛如猪鬃此其類也常山亦有長蛇與此形不同其音如鼓

柝如人行夜敲木柝聲音託



又北三百二十里曰敦薨之山其上多櫻柗其下多

芘草敦薨之水出焉而西流注于泐澤出于崑崙之

東北隅實惟河源即河水出崑崙之虛其中多赤鮭今名鱖魚音

圭其獸多兕旄牛或作撲牛撲牛見離騷天門所未詳其鳥多鳴鳩

又北二百里曰少咸之山無草木多青碧有獸焉其

狀如牛而赤身人面馬足名曰窵窵爾雅云窵窵似

之水輒愈二音其音如嬰兒是食人敦水出焉東流注于鴈門

其中多鮐鮐之魚音沛未詳食之殺人

又北二百里曰獄法之山滾澤之水出焉音懷而東北

流注于泰澤其中多鱓魚音藻其狀如鯉而雞足食之

已疣有獸焉其狀如犬而人面善投見人則笑其名

山獬音暉其行如風疾言見則天下大風

又北二百里曰北嶽之山多枳棘剛木檀柘之屬有獸焉

其狀如牛而四角人目彘耳其名曰諸懷其音如鳴

鴈是食人諸懷之水出焉而西流注于囂水其中多

鮐魚音請魚身而犬首其音如嬰兒今海中有虎鹿魚及海狝體皆如魚

而頭似虎鹿食之已狂

又北百八十里曰渾夕之山無草木多銅玉囂水出

焉而西北流注于海有蛇一首兩身名曰肥遺見則

其國大旱管子曰涸水之精名曰螭一頭而兩身其狀如蛇長八尺以其名呼之可使取魚龜

其國大旱

管子曰涸水之精名曰螭一頭而兩身其狀如蛇長八尺以其名呼之可使取魚龜

管子曰涸水之精名曰螭一頭而兩身其狀如蛇長八尺以其名呼之可使取魚龜



亦此類

又北五十里曰北單之山無草木多葱韭

又北百里曰羆差之山無草木多馬野馬也似馬而小

又北百八十里曰北鮮之山是多馬鮮水出焉而西

北流注于涂吾之水漢元狩二年馬出涂吾水中也

又北百七十里曰隄山或作隄古字耳多馬有獸焉其狀如

豹而文首名曰狢音公隄水出焉而東流注于秦澤其

中多龍龜

凡北山經之首自單狐之山至于隄山凡二十五山

五千四百九十里其神皆人面蛇身其祠之毛用一

雄鷄彘瘞吉玉用一珪瘞而不糝言祭不用米皆埋其所用牲玉其

山北人皆生食不火之物或作皆生食而不火

北次二經之首在河之東其首枕汾臨汾水上也音墳其名

曰管涔之山今在太原郡故汾陽縣北秀容山涔音岑其上無木而多草

其下多玉汾水出焉而西流注于河至汾陽縣北西入河

又西二百五十里曰少陽之山其上多玉其下多赤

銀銀之精也酸水出焉而東流注于汾水其中多美赭管子

曰山上有赭者其下有鐵

又北五十里曰縣雍之山今在晉陽縣西名汲甕雍音甕其上多玉

其下多銅其獸多間麋間即諭也似驢而歧蹄角如麋羊一名山驢周禮曰北唐



以問亦見 鄉射禮 其鳥多白翟白鵠音于六反晉水出焉而

東南流注于汾水東過晉陽南其中多紫魚其狀如

儵而赤鱗曰儵小魚其音如叱食之不驕或作騷騷臭也

又北二百里曰狐岐之山無草木多青碧勝水出焉

而東北流注于汾水其中多蒼玉

又北三百五十里曰白沙山廣員三百里盡沙也無

草木鳥獸鮪水出于其上潛于其下出山之頂停其底也是多

白玉

又北四百里曰爾是之山無草木無水

又北三百八十里曰狂山無草木是山也冬夏有雪

狂水出焉而西流注于浮水其中多美玉

又北三百八十里曰諸餘之山其上多銅玉其下多

松柏諸餘之水出焉而東流注于旄水

又北三百五十里曰敦頭之山其上多金玉無草木

旄水出焉而東流注于印澤其中多騂馬音勃牛尾而

白身一角其音如呼

又北三百五十里曰鈎吾之山其上多玉其下多銅

有獸焉其狀如羊身人面其目在腋下虎齒人爪其

音如嬰兒名曰狍鴉是食人為物貪淋食人未盡還害其身像在夏開左傳

所謂饕餮是也狍音咆



又北三百里曰北囂之山無石其陽多碧其陰多玉

有獸焉其狀如虎而白身犬首馬尾彘鬣名曰獨俗

音谷有鳥焉其狀如鳥人面名曰鸞鵒般肩兩音宵飛

而晝伏鵒屬食之已暍中熱也音謁涔水出焉而東流注

于卬澤

又北三百五十里曰梁渠之山無草木多金玉脩水

出焉而東流注于鴈門水名其獸多居暨其狀如彙而

赤毛彙似鼠赤毛如刺也謂彙音渭其音如豚有鳥焉其狀如夸父

或作舉父四翼一目犬尾名曰囂其音如鵲食之已腹痛

可以止衎治洞下也音洞

又北四百里曰姑灌之山無草木是山也冬夏有雪

又北三百八十里曰湖灌之山其陽多玉其陰多碧

多馬湖灌之水出焉而東流注于海其中多鮪亦鱒魚字

有木焉其葉如柳而赤理

又北水行五百里流沙三百里至于洹山其上多金

玉三桑生之其樹皆無枝其高百仞百果樹生之其

下多恠蛇

又北三百里曰敦題之山無草木多金玉是錞于北

海

凡北次二經之首自管涔之山至于敦題之山凡十



七山五千六百九十里其神皆蛇身人面其祠毛用  
一雄雞彘埋之用一璧一珪投而不糝糝玉於山中

也之

北次三經之首曰太行之山今在河內野王縣西北行音戶剛反其首

曰歸山其上有金玉其下有碧有獸焉其狀如麀羊

而四角馬尾而有距其名曰驪善還還旋旋舞也驪音暉其鳴

自訓有鳥焉其狀如鵲白身赤尾六足其名曰鵲音犇

是善驚其鳴自詖今吳人謂呼為詖音呼交反

又東北二百里曰龍侯之山無草木多金玉决决之

水出焉音決而東流注于河其中多人魚其狀如鯀魚

四足其音如嬰兒鯀見山中經或曰人魚即鯀也似鮎而四足聲如小兒啼今亦呼鮎

為鯀音蹄食之無癡疾

又東北二百里曰馬成之山其上多文石其陰多金

玉有獸焉其狀如白犬而黑頭見人則飛言肉翅飛行自在

其名曰天馬其鳴自訓有鳥焉其狀如烏首白而身

青足黃是名曰鷓鴣屈居二音或作鳴其鳴自詖食之不飢

可以已寓未詳或曰寓猶誤也

又東北七十里曰咸山其上有玉其下多銅是多松

栢草多苾草條管之水出焉管音間而西南流注于長

澤其中多噐酸三歲一成所未詳也食之已癘



又東北二百里曰天池之山其上無草木多文石有

獸焉其狀如兔而鼠首以其背飛用其背上毛其名

曰飛鼠澗水出焉潛于其下停山底也其中多黃堊堊土也

又東三百里曰陽山其上多玉其下多金銅有獸焉

其狀如牛而赤尾其頸鬣其狀如勾瞿言頸上有肉鬣勾瞿斗也

音其名曰領胡其鳴自設食之已狂有鳥焉其狀如

雌雉而五彩以文是自為牝牡名曰象蛇其鳴自設

留水出焉而南流注于河其中有鮒父之魚音其狀

如鮒魚魚首而彘身食之已嘔

又東三百五十里曰賁聞之山其上多蒼玉其下多

黃堊多涅石

又北百里曰王屋之山今在河東東垣縣北是多石

澗水出焉澗音輦而西北流注于泰澤地理志王屋山沈水所出

聲相近殆一水耳沈則濟也

又東北三百里曰教山其上多玉而無石教水出焉

西流注于河是水冬乾而夏流實惟乾河今河東聞喜縣東北

有乾河口因名乾河里但有故溝處無復水即是也其中有兩山是山也廣員

三百步其名曰發丸之山其上有金玉

又南三百里曰景山外傳曰景霍以為城南望鹽販之澤即鹽池也

今在河東猗氏縣或無販字北望少澤其上多草藟根似羊蹄可食



二音今江南卑呼為其草多秦椒子似椒而其陰多

緒其陽多玉有鳥焉其狀如蛇而四翼六目三足名

曰酸與其鳴自詖見則其邑有恐或曰食之不醉

又東南三百二十里曰孟門之山尸子曰龍門未辟

孟門之上大溢逆流無有丘陵高阜滅之名其上多

蒼玉多金其下多黃堊多涅石

又東南三百二十里曰平山平水出于其上潛于其

下是多美玉

又東二百里曰京山有美玉多漆木多竹其陽有赤

銅其陰有玄礪黑砥名也尸子曰加玄黃砥高水出

焉南流注于河

又東二百里曰虫尾之山其上多金玉其下多竹多

青碧丹水出焉南流注于河薄水出焉淮南子曰薄水出鮮于山

而東南流注于黃澤

又東三百里曰彭毗之山其上無草木多金玉其下

多水蚤林之水出焉音早東南流注于河肥水出焉而

南流注于牀水其中多肥遺之蛇

又東百八十里曰小侯之山明漳之水出焉南流注

于黃澤有鳥焉其狀如鳥而白文名曰鵠鵠姑習食

之不灂不睢目也或作曠音醮



又東三百七十里曰泰頭之山共水出焉音恭南注于

虜池呼佗二音下同其上多金玉其下多竹箭

又東北二百里曰軒轅之山其上多銅其下多竹有

鳥焉其狀如梟而白首其名曰黃鳥其鳴自設食之

不茹

又北二百里曰謁戾之山今在上黨郡涅縣其上多松柏有

金玉沁水出焉南流注于河至滎陽縣東北入河或出穀述縣羊頭山也

其東有林焉名曰丹林丹林之水出焉南流注于河

嬰侯之水出焉北流注于汜水

東三百里曰沮洳之山詩云彼汾沮洳無草木有金玉漈水

出焉音其南流注于河今淇水出汲郡隆慮縣大號山東過河內縣南為白溝

又北三百里曰神囷之山音如倉其上有文石其下

有白蛇有飛蟲黃水出焉而東流注于洹洹水出汲郡林慮縣

東北至魏郡長樂入清水洹音丸淦水出焉而東流注于歐水今出臨水縣西釜口山經鄴西北至列人縣入于漳其水熱

又北二百里曰發鳩之山今在上黨郡長子縣西其上多柘木

有鳥焉其狀如鳥文首白喙赤足名曰精衛其鳴自

設是炎帝之少女名曰女娃炎帝神農也娃惡佳反語誤或作階女娃

遊于東海溺而不返故為精衛常銜西山之木石以

堙于東海堙塞也音因漳水出焉音濁東流注于河或曰出長

音因



子縣鹿谷山而東至鄴入清漳

又東北百二十里曰少山今在樂平郡沾縣沾縣故屬上黨其上有

金玉其下有銅清漳之水出焉東流于濁漳之水清漳

出少山大繩谷至武安縣南累官邑入于濁漳或曰東北至邑城入于大河也

又東北二百里曰錫山其上多玉其下有砥牛首之

水出焉而東流注于滏水

又北二百里曰景山有美玉景水出焉東南流注于

海澤

又北百里曰題首之山有玉焉多石無水

又北百里曰繡山其上有玉青碧其木多栲木中枝也音苟

其草多芍藥芎窮芍藥一名辛夷亦香草屬洧水出焉而東流注

于河其中有鱧鱧似鮎而大白色也鼃鼃似蝦蟇小而青或曰雙鼃一物名耳

又北百二十里曰松山陽水出焉東北流注于河

又北百二十里曰敦與之山其上無草木有金玉漆

水出于其陽音悉各反而東流注于秦陸之水大陸水今鉅鹿北廣

平澤即泚水出于其陰音抵肆也而東流注于彭水今泚水出

中丘縣西窮泉谷東注于堂陽縣入于漳水槐水出焉而東流注于泚澤

又北百七十里曰柘山其陽有金玉其陰有鐵歷聚

之水出焉而北流注于洧水

又北三百里曰維龍之山其上有碧玉其陽有金其



陰有鐵肥水出焉而東流注于臯澤其中多礪石未詳

也音雷或作壘礪壘大石貌或曰石名敞鐵之水出焉而北流注于大

澤

又北百八十里曰白馬之山其陽多石玉其陰多鐵

多赤銅木馬之水出焉而東北流注于虓沱呼沱二音

又北二百里曰空桑之山無草木上已有此山疑同名也冬夏

有雪空桑之水出焉東流注于虓沱

又北二百里曰秦戲之山無草木多金玉有獸焉其

狀如羊一角一目目在耳後其名曰羴羴音屋棟之棟其

鳴自訓虓沱之水出焉今虓沱水出鴈門鹵成縣南武夫山而東流注

于淩水音樓液女之水出于其陽南流注于沁水液音悅

之

又北三百里曰石山多藏金玉濩濩之水出焉濩音尺

而東流注于虓沱鮮于之水出焉而南流注于虓

沱

又北二百里曰童戎之山臯涂之水出焉而東流注

于淩液水

又北三百里曰高是之山今在北地靈丘縣滋水出焉音慈而

南流注于虓沱其木其櫟其草多條漚水出焉音寇東

流注于河過博陵縣南又東北入于易水



又北三百里曰陸山多美玉鄴水出焉或作鄴水而東流

注于河

又北二百里曰沂山音祈般水出焉音盤而東流注于河

北百二十里曰燕山多嬰石言石似玉有符彩燕水

出焉東流注于河

又北山行五百里水行五百里至于饒山是無草木

多瑤碧其獸多橐駝其鳥多鷓未詳或曰鷓鴣也歷號之水

出焉而東流注于河其中有師魚食之殺人未詳或作鮓

又北四百里曰乾山無草木其陽有金玉其陰有鐵

而無水有獸焉其狀如牛而三足其名曰獬音元其鳴

自設

又北五百里曰倫山倫水出焉而東流注于河有獸

焉其狀如麋其川在尾上川竅也其名曰羆

又北五百里曰碣石之山水經曰碣石山今在遼西臨榆縣南水中或曰在右

北平驪城縣海邊山繩水出焉而東流注于河其中多蒲夷之

魚未詳其上有玉其下多青碧

又北水行五百里至于鴈門之山無草木鴈門山即北陵西隄

鴈之所出因以名云在高柳北

又北水行四百里至于泰澤其中有山焉曰帝都之

山廣員百里無草木有玉金



又北五百里曰錡于母逢之山北望雞號之山其風

如飈飈急風貌也音戾或云飄風也西望幽都之山浴水出焉浴即黑水

也是有大蛇赤首白身其音如牛見則其邑大旱

凡北次三經之首自太行之山以至于無逢之山凡

四十六山萬二千三百五十里其神狀皆馬身而人

面者廿神其祠之皆用一藻菹瘞之藻聚藻菹香草類音昌代

反其十四神狀皆彘身而載玉其祠之皆玉不瘞不埋

所用玉也其十神狀皆彘身而八足蛇尾其祠之皆用一

璧瘞之大凡四十四神皆用稌糝米祠之此皆不火

食

右北經之山志凡八十七山二萬二千二百三十

里



山海經第三

山海經第四

東山經

晉郭璞傳  
明吳琯校

東山經之首曰楸蠡之山

速株二音

北臨乾昧

亦山名也音妹

食

水出焉而東北流注于海其中多鱮鱮之魚

音容其狀

如犁牛

牛似虎文者

其音如彘鳴

又南三百里曰藟山

音誅

其上有玉其下有金湖水出

焉東流注于食水其中多活師

科斗也爾雅謂之活東

又南三百里曰栒狀之山其上多金玉其下多青碧



石有獸焉其狀如犬六足其名曰從從其鳴自詒有

鳥焉其狀如雞而鼠毛其名曰蜚鼠音谷見則其邑大

旱沢水出焉音積而北流注于湖水其中多箴魚其狀

如儵其喙如箴出東海今江東水中亦有之食之無疫疾

又南三百里曰勃叅之山無草木無水

又南三百里曰番條之山無草木多沙減水出焉音同

減損之減北流注于海其中多魮魚一名黃頰音感

又南四百里曰姑兒之山其上多漆其下多桑柘姑

兒之水出焉北流注于海其中多魮魚

又南四百里曰高氏之山其上多玉其下多箴石可以

為砭針治癰腫者諸繩之水出焉東流注于澤其中多金玉

又南三百里曰嶽山其上多桑其下多樗欒水出焉

音樂東流注于澤其中多金玉

又南三百里曰材山其上無草木其下多水其中多

堪尋之魚音未詳音序有獸焉其狀如夸父而彘毛其音如

呼見則天下大水

又南三百里曰獨山其上多金玉其下多美石未塗

之水出焉而東南流注于沔其中多儵鱮條容音二其狀

如黃蛇魚翼出入有光見則其邑大旱

又南三百里曰泰山即東嶽岱宗也今在泰山奉高縣西北從山下至頂四十八里



三百步也 其上多玉其下多金有獸焉其狀如豚而有珠

名曰猗猗音如吟 桐之桐其名自訶環水出焉東流注于江

一作海其中多水玉

又南三百里曰竹山錔于江一作淮無草木多瑤碧激

水出焉而東南流注于娶檀之水其中多苾羸

凡東山經之首自檄蠶之山以至于竹山凡十二山

三千六百里其神狀皆人身龍首祠毛用一犬祈聃

用魚以血塗祭為聃也公羊傳云蓋叩其鼻以聃社音鈞解之餌

東次二經之首曰空桑之山此山出琴瑟北臨食水

東望沮吳南望沙陵西望濬澤音見周禮也有獸焉其狀如牛

而虎文其音如欽或作吟其名曰軫軫音靈其鳴自叫見

則天下大水

又南六百里曰曹夕之山其下多穀而無水多鳥獸

又西南四百里曰嶧臯之山音亦其上多金玉其下多

白堊嶧臯之水出焉東流注于激女之水其中多蜃

珧蜃蚌也 珧玉珧亦蚌屬腎逆兩音

又南水行五百里流沙三百里至于葛山之尾無草

木多砥礪

又南三百八十里曰葛山之首無草木澧水出焉音禮

東流注于余澤其中多珠鼈魚音鼈其狀如肺而有目



六足有珠其味酸甘食之無癘

無時氣病也呂氏春秋曰澧水之魚名曰

朱蟹六足有珠魚之美也

又南三百八十里曰餘峩之山其上多梓柟其下多

荆芑雜余之水出焉東流注于黃水有獸焉其狀如

菟而鳥喙鴟目蛇尾見人則眠

言作死也

名曰狢狢

仇餘二音

其鳴自訶見則蝥蝗為敗

蝥蝗類也言傷敗田苗音終

又南三百里曰杜父之山無草木多水

又南三百里曰耿山無草木多水碧

亦水玉類

多大蛇有

獸焉其狀如狐而魚翼其名曰朱獺

音儒

其鳴自叫見

則其國有恐

又南三百里曰盧其之山無草木多沙石沙水出焉

南流注于涔水其中多鸛鷓

音黎

其狀如鴛鴦而人足

其鳴自訶見則其國多土功

今鸛胡足頗有似人脚形狀也

又南三百八十里曰姑射之山無草木多水

又南水行三百里流沙百里曰北姑射之山無草木

多石

又南三百里曰南姑射之山無草木多水

又南三百里曰碧山無草木多大蛇多碧水玉

又南五百里曰維氏之山無草木多金玉原水出焉

東流注于沙澤

一曰俠氏之山



又南三百里曰姑逢之山無草木多金玉有獸焉其狀如狐而有翼其音如鴻鴈其名曰獬獬音獬見則天下大旱

又南五百里曰鳧麗之山其上多金玉其下多箴石有獸焉其狀如狐而九尾九首虎爪名曰龍至龍蛭其音如嬰兒是食人

又南五百里曰礪山音一真反南臨礪水東望湖澤有獸焉其狀如馬而羊目四角牛尾其音如犍狗其名曰狡狡音狡狡狡狡也有鳥焉其狀如鳧而鼠尾善登木其名曰絜鈎見則其國多瘕

凡東次二經之首自空桑之山至于礪山凡十七山六千六百四十里其神狀皆獸身人面載絡麋鹿屬角為絡格音格其祠毛用一鷄祈嬰用一壁瘞

又東次三經之首曰尸胡之山北望殍山音詳其上多金玉其下多棘有獸焉其狀如麋而魚目名曰嬰胡音婉其鳴自訕

又南水行八百里曰岐山其木多桃李其獸多虎又南水行五百里曰諸鈎之山無草木多沙石是山也廣員百里多寐魚音味即鮓魚

又南水行七百里曰中父之山無草木多沙



又東水行千里曰胡射之山無草木多沙石

又南水行七百里曰孟子之山其木多梓桐多桃李

其草多菌蒲未詳音彌其獸多麋鹿是山也廣員百

里其上有水出焉名曰碧陽其中多鱣鮪鮪即鱣也似鱣而長

鱣體無鱗甲別名鱣鱣一名鱣也

又南水行五百里曰流沙行五百里有山焉曰歧踵

之山歧音企廣員二百里無草木有大蛇其上多玉有

水焉廣員四十里皆涌今河東汾陰縣有漢水源在地底瀆沸涌出其深無限即

此類也其名曰深澤其中多蠪龜蠪紫蠪大龜也甲有文彩似瑇瑁而薄音

遺知反有魚焉其狀如鯉而六足鳥尾名曰鯨鯨之魚

音蛤其名自叫

又南水行九百里曰晦隅之山音敏其上多草木多

金玉多赭有獸焉其狀如牛而馬尾名曰精精其鳴

自叫

又南水行五百里流沙三百里至于無皐之山南望

幼海即少海也淮南子曰東方大渚曰少海東望搏木扶桑二音無草木多

風是山也廣員百里

凡東次三經之首自尸胡之山至于無皐之山凡九

山六千九百里其神狀皆人身而羊角其祠用一牡

羊米用黍是神也見則風雨水為敗



又東次四經之首曰北號之山臨于北海有木焉其狀如楊赤華其實如棗而無核其味酸甘食之不瘧食水出焉而東北流注于海有獸焉其狀如狼赤首鼠目其音如豚名曰獨狙葛直二音是食人有鳥焉其狀如雞而白首鼠足而虎爪其名曰魍音雀亦食人又南三百里曰旄山無草木蒼體之水出焉而西流注于展水其中多鱸魚今蝦鱸字亦或作鱸秋音其狀如鯉而大首食者不疣

又南三百二十里曰東始之山上多蒼玉有木焉其狀如楊而赤理其汁如血不實其名曰芭音爬可以服

馬以汁塗之則馬調良泚水出焉而東北流注于海其中多美

貝多苾魚其狀如鮒一首而十身其臭如蘼蕪食之

不糲孚謂反止失氣也

又東南三百里曰女烝之山其上無草木石膏水出焉而西注于鬲水其中多薄魚其狀如鱸魚而一目其音如歐如人嘔吐聲也見則天下大旱

又東南二百里曰欽山多金玉而無石師水出焉而北流注于臯澤其中多鱸魚多文具具有獸焉其狀如

豚而有牙其名曰當康其鳴自叫見則天下大穰又東南二百里曰子桐之山子桐之水出焉而西流



注于餘如之澤其中多鱮魚音滑其狀如魚而鳥翼出入有光其音如鴛鴦見則天下大旱

又東北二百里曰剡山多金玉有獸焉其狀如彘而人面黃身而赤尾其名曰合窳音庚其音如嬰兒是獸也食人亦食蟲蛇見則天下大水

又東二百里曰太山上多金玉楨木女楨也葉冬不凋有獸焉其狀如牛而白首一目而蛇尾其名曰蜚音如翡翠之翡翠

行水則竭行草則死見則天下大疫言其體含災氣也其銘曰蜚之

為名體似無害所經枯竭甚於鳩厲萬物斯懼思爾遐逝勞水其中多鱸魚

凡東次四經之首自北號之山至于太山凡八山一千七百二十里

右東經之山志凡四十六山萬八千八百六十里



山海經第四終

山海經第五

中山經

晉郭璞傳  
明吳瑄校

中山經薄山之首曰甘棗之山其水出焉恭音而西流

注于河其上多柎木其下有草焉葵本而杏葉或作楷葉

黃華而莢實名曰籜他落反可以已瞢音音有獸焉其狀

如獸鼠而文題獸鼠所未詳音其名曰難音那或作熊也食

之已癭

又東二十里曰歷兒之山其上多檀多櫛木音是木



也方莖而員葉黃華而毛其實如揀揀木名子如指頭白而粘可以

浣衣也音練或作簡服之不忘

又東十五里曰渠豬之山其上多竹渠豬之水出焉

而南流注于河其中是多豪魚狀如鮪鮪似鱸也赤喙尾

赤羽可以已白癬

又東三十五里曰葱壟之山其中多大谷是多白堊

黑青黃堊音有雜色堊也

又東十五里曰淩山倭音其上多赤銅其陰多鐵

又東七十里曰脫扈之山有草焉其狀如葵葉而赤

華莢實實如櫻莢今櫻木莢似皂莢也名曰植楮可以已瘋瘋病

也淮南子曰裡頭已瘋也食之不昧

又東二十里曰金星之山多天嬰其狀如龍骨可以

已瘞癰瘞也

又東七十里曰泰威之山其中有谷曰梟谷其中多

鐵或無谷字

又東十五里曰檀谷之山其中多赤銅或作檀谷之山

又東百二十里曰吳林之山其中多蕞草亦菅字

又北三十里曰牛首之山今長安西南有牛首山上有館下有水未知此是非

有草焉名曰鬼草其葉如葵而赤莖其秀如禾服之

不憂勞水出焉而西流注于滴水音如譎詐之譎是多飛魚



其狀如鮒魚食之已痔

又北四十里曰霍山今平陽永安縣廬江濩縣晉安羅江縣河南鞏縣皆有霍山明

山以霍為名者非一矣按爾雅大山繞小山為霍其水多穀有獸焉其狀如

狸而白尾有鬣名曰肫肫養之可以已憂謂蓄養之也音味反

又北五十二里曰合谷之山是多薜棘未詳音瞻

又北三十五里曰陰山亦曰險山多礪石文石礪石石少中磨者

水出焉其中多彫棠其葉如榆葉而方其實如赤菽

菽食之已聾

又東北四百里曰鼓鐙之山多赤銅有草焉名曰榮

草其葉如柳其本如雞卵食之已風

凡薄山之首自甘棗之山至于鼓鐙之山凡十五山

六千六百七十里歷兒冢也其祠禮毛太牢之具縣

以吉玉縣祭山之名也見爾雅其餘十三山者毛用一羊縣嬰

用桑封瘞而不糝桑封者桑主也方其下而銳其上

而中穿之加金言作神主而祭以金銀飾之也公羊傳曰虞主用桑主或作玉

中次二經濟山之首曰輝諸之山其上多桑其獸多

閭麋其鳥多鷓似雉而大青色有毛勇健鬪死乃止音曷出上堂黨也

又西南二百里曰發視之山其上多金玉其下多砥

礪即魚之水出焉而西流注于伊水

又西三百里曰豪山其上多金玉而無草木



又西三百里曰鮮山多金玉無草木鮮水出焉而北流注于伊水其中多鳴蛇其狀如蛇而四翼音音如磬見則其邑大旱

又西三百里曰陽山多石無草木陽水出焉而北流注于伊水其中多化蛇其狀如人面而豺身鳥翼而蛇行其音如叱呼見則其邑大水

又西二百里曰昆吾之山其上多赤銅此山出名銅色赤如火以之作刀切玉如割泥也周穆王時西戎獻之尸子所謂昆吾之劍也越絕書曰赤董之山破而出錫若邪之谷涸而出銅歐冶子因以為純鈞之劍汲郡冢中得銅劍一枝長三尺五寸乃今所名為干將劍汲郡亦皆非鐵也明古者通以錫雜銅為兵器也有獸焉其狀如彘而有角其

音如號如人號哭名曰夔蜥上已有此獸疑同名食之不昧

又西百二十里曰蒺音間山蒺水出焉而北流注于伊

水其上多金玉其下多青雄黃有木焉其狀如棠而

赤葉名曰苾草音忘可以毒魚

又西一百五十里曰獨蘇之上無草木而多水

又西二百里曰蔓渠之山其上多金玉其下多竹箭

伊水出焉而東流注于洛今伊水出上洛盧氏縣熊耳山東北至河南南洛陽縣

洛有獸焉其名曰馬腹其狀如人面虎身其音如嬰

兒是食人

凡濟山經之首自輝諸之山至于蔓渠之山凡九山



一千六百七十里其神皆人面而鳥身祠用毛擇用毛色  
用一吉玉投而不糝

中次三經黃山之首曰敖岸之山或作獻黃音倍其陽多璵

琇之玉其陰多赭黃金神熏池居之是常出美玉或作

石北望河林其狀如蓍如舉說者云蓍舉皆木名也未詳蓍音倩有獸

焉其狀如白鹿而四角名曰夫諸見則其邑大水

又東十里曰青要之山實維帝之密都天帝曲密之邑北望

河曲河千里一曲一直也是多駕鳥未詳也或曰駕安為駕駕鷺也音加南望

渚水中小洲名渚音填禹父之所化復云在此然則一已無變怪之性者亦無往而不化也是多僕纍蒲盧僕纍蝸牛也爾雅魁

武羅司之武羅神名魁即神字其狀人面而豹文小腰而白齒

或作首而穿耳以鑿鑿金銀器之名未詳也音渠其鳴如鳴玉如人鳴玉

是山也宓女子吟水出焉軫音而北流注于河其中

有鳥焉名曰鵙窈音如窈窈窈之窈其狀如鳧青身而朱目赤尾

食之宓子朱淺赤也有草焉其狀如蕞蕞音似蕞也而方莖黃華

赤實其本如藁本根似藁本亦香草名曰荀草或曰荀草服之美

人色令人更美豔

又東十里曰驪山音魏其上有美棗其陰有璵琇之玉

正回之水出焉而北流注于河其中多飛魚其狀如

豚而赤文服之不畏雷可以禦兵

山海經

卷之五

五



又東四十里曰空蘇之山其上多金玉其下多蔓居  
之木未詳瀟瀟之水出焉音容而北流注于河是多黃貝

又東二十里曰和山其上無草木而多瑤碧實惟河  
之九都九水所歸故曰九都是山也五曲五曲重九水出焉合而

北流注于河其中多蒼玉吉神秦逢司之善也其狀  
如人而虎尾或作雀尾是好居于蒼山之陽出入有光太

逢神動天地氣也言其有靈爽能興雲雨也夏后孔  
甲田於蒼山之下天大風晦冥孔

凡蒼山之首自敖岸之山至于和山凡五山四百四  
十里其祠太逢熏池武羅皆一牡羊副副謂破羊骨  
磔之以祭也

見周禮音嬰用吉玉其二神用一雄雞瘞之糝用稌  
中次四經釐山之首音狸曰鹿蹄之山其上多玉其下

多金甘水出焉而北流注于洛其中多冷石冷石未  
聞也冷

西五十里曰扶豬之山其上多礪石音奐今雁門山  
中出礪石白者

有獸焉其狀如貉而人目貉或作其名曰  
麇音銀或號水出焉而北流注于洛其中多璠石音  
亦

又西一百二十里曰釐山其陽多玉其陰多蒐音搜  
茅蒐

有獸焉其狀如牛蒼身其音如嬰兒是食人  
草也



其名曰犀渠瀟瀟之水出焉而南流注于伊水有獸焉名曰獺音蒼頡其狀如獾犬而有鱗其毛如彘鬣

生鱗間也

又西二百里曰箕尾之山多穀多涂石其上多璆瑋之玉

又西二百五十里曰柄山其上多玉其下多銅滔雕之水出焉而北流注于洛其中多羝羊有木焉其狀如樗其葉如桐而莢實其名曰芟可以毒魚芟一作艾

又西二百里曰白邊之山其上多金玉其下多青雉

黃

又西二百里曰熊耳之山今在上洛縣南其上多漆其下多

櫻浮濠之水出焉而西流注于洛其中多水玉多人魚有草焉其狀如蘇而赤華名曰葶藶亭寧町可以

毒魚

又西三百里曰牡山其上多文石其下多竹箭竹簞其獸多牝牛羝羊鳥多赤鷲音閉即鷲雉也

又西三百五十里曰謹舉之山雒水出焉而東北流注于玄扈之水其中多馬腸之物此二山者洛間也

洛水今出上洛縣冢嶺山河圖曰玄扈洛汭謂此間也

凡釐山之首自鹿蹄之山至于玄扈之山凡九山千



六百七十里其神狀皆人面獸身其祠之毛用一白

雞祈而不糈言直祈禱以彩衣之以彩飾雞

中次五經薄山之首曰苟牀之山或作苟林山無草木多

怪石怪石似玉也書曰鉛松怪石也

東三百里曰首山其陰多穀柞草多茱萸茱山薊也茱華中藥

其陽多瓊琇之玉木多槐其陰有谷曰机谷多馱鳥

音如鉗其狀如梟而三目有耳其音如錄食之已墊

未聞

又東三百里曰縣斲之山音如斤斲之斲無草木多文石

又東三百里曰葱壟之山無草木多摩石未詳

東北五百里曰條谷之山其木多槐桐其草多芍藥

蠶冬本草經曰蠶冬一名滿冬今作門俗作耳

又北十里曰趙山其陰多蒼玉其陽有井冬有水而

夏竭

又東五百里曰成侯之山其上多樵木似樗樹材中車轆吳人呼

樵音輻車或曰輻車其草多芘

又東五百里曰朝歌之山谷多美堊

又東五百里曰槐山谷多金錫

又東十里曰歷山其木多槐其陽多玉

又東十里曰尸山多蒼玉其獸多麋似鹿而黑色尸水出



山海經 卷之五  
馬南流注于洛水其中多美玉

又東十里曰良餘之山其上多穀柞無石餘水出于其陰而北流注于河乳水出于其陽而東南流注于洛

洛

又東南十里曰蠱尾之山多礪石赤銅龍餘之水出焉而東南流注于洛

又東北二十里曰升山其木多穀柞棘其草多藟蕒

蕒蕒香草也多寇脫寇脫草生南方高丈許似荷葉而莖中有瓢正白零桂人植而日灌之以

為樹也黃酸之水出焉而北流注于河其中多璇玉次石

玉者也孫卿曰璇玉瑤珠不知佩璇音旋

又東十二里曰陽虛之山多金臨于玄扈之水河圖曰蒼

頡為帝南巡狩登陽虛之山臨于玄扈洛汭靈龜負書丹甲青文以授之出此水中也

凡薄山之首自苟林之山至于陽虛之山凡十六山

二千九百八十二里升山冢也其祠禮太牢嬰用吉

玉首山魍也其祠用稌黑犧太牢之具藁釀以藁作禮酒也

于僂于僂萬舞于僂也置鼓擊之嬰用一璧尸水合天也天神

之所肥牲祠之用一黑犬于上用一雌雞于下一

牝羊獻血以血祭也釁釁猶割也嬰用吉玉彩之又加

彩之饗之勸強之也特牲饋食禮曰執奠祝饗是也

中次六經綽羝山之首曰平逢之山南望伊洛東望



穀城之山

在濟北穀城縣西黃石公石在此山下張良取以合葬爾

無草木無水

多沙石有神焉其狀如人而二首名曰驕蟲是為螫

蟲

為螫蟲之長

實惟蜂蜜之廬

言羣蜂之所舍其祠之用

一雄雞禳而勿殺

禳亦祭名謂禳却惡氣也

西十里曰縞羝之山無草木多金玉

又西十里曰廐山

音如瓌倅之瓌

其陰多璆瑋之玉其西有

谷焉名曰藿谷其木多柳楮其中有鳥焉狀如山雞

而長尾赤如丹火而青喙名曰鴝鷄

鈴要二音

其鳴自呼

服之不昧交觴之水出于其陽而南流注于洛俞隨

之水出于其陰而北流注于穀水

又西三十里曰瞻諸之山其陽多金其陰多文石澍

水出焉

音謝

而東南流注于洛少水出其陰而東流注

于穀水

世謂之慈澗

又西三十里曰婁涿之山無草木多金玉瞻水出于

其陽而東流注于洛陂水出于其陰

世謂之百谷水

而北流

注于穀水其中多苾石文石

又西四十里曰白石之山惠水出于其陽而南流注

于洛其中多水玉澗水出于其陰

書曰伊洛漚澗

西北流注

于穀水其中多麋石櫨丹

皆未聞

又西五十里曰穀山其上多穀其下多桑爽水出焉



世謂之而西北流注于穀水其中多碧綠

又西七十二里曰密山今榮陽密縣亦有密山疑非也其陽多玉其

陰多鐵豪水出焉而南流注于洛其中多旋龜其狀

鳥首而鼈尾其音如判木無草木

又西百里曰長石之山無草木多金玉其西有谷焉

名曰共谷多竹共水出焉西南流注于洛其中多鳴

石晉永康元年襄陽郡上鳴石似玉色青撞之聲聞七八里今零陵泉陵縣永正鄉有鳴石二所其一狀如鼓俗因名爲石鼓卽此類也

又西一百四十里曰傅山無草木多瑤碧厭染之水

出于其陽而南流注于洛其中多人魚其西有林焉

名曰藩冢音番穀水出焉而東流注于洛今穀水出穀陽谷東北至

穀城縣入洛河其中多珣玉未聞也珣音堙

又西五十里曰橐山其木多樗多楛木今蜀中有楛木七八月中

吐穗穗成如有鹽粉著狀可以酢羹音備其陽多金玉其陰多鐵多蕭蕭蒿

見爾雅橐水出焉而北流注于河其中多脩辟之魚狀

如鼃鼃蛙屬也而白喙其音如鴟食之已白癡

又西九十里曰常烝之山無草木多聖漦水出焉音誰

而東北流注于河其中多蒼玉蓄水出焉而北流注

于河

又西九十里曰夸父之山其木多欂櫨多竹箭其獸



多牝牛羝羊其鳥多鷲其陽多玉其陰多鐵其北有

林焉名曰桃林是廣員三百里其中多馬桃林今弘農湖縣闕

鄉南谷中是也饒野馬山羊山牛也湖水出焉而北流注于河其中多

珉玉

又西九十里曰陽華之山其陽多金玉其陰多青雄

黃其草多藟與多苦辛其狀如櫛即楸字也其實如瓜其

味酸甘食之已瘡楊水出焉而西南流注于洛其中

多人魚門水出焉而東北流注于河其中多玄礪里砥

石生水中縉姑之水出于其陰縉音藉而東流注于門水其

上多銅門水出于河七百九十里入雒水

凡縞羝山之首自平逢之山至于陽華之山凡十四

山七百九十里嶽在其中以六月祭之六月亦歲之中如諸

嶽之祠法則天下安寧

中次七經苦山之首曰休與之山與或作輿下同其上有石

焉名曰帝臺之棋帝臺神人名棋謂博棋也五色而文其狀如鶉

卵帝臺之石所以禱百神者也禱祀百神則用此石服之不壘

有草焉其狀如著赤葉而本叢生名曰夙條可以為

籥中箭奇也

東三百里曰鼓鍾之山帝臺之所以觴百神也舉觴燕會

則於此山因名為鼓鍾也有草焉方莖而黃華員葉而三成葉三重也



其名曰焉酸可以為毒治為其上多礪其下多砥

又東二百里曰姑嫪之山音遙或無帝女死焉其名

曰女尸化為莖草其葉胥成言葉相重也亦音遙其華黃其實

如菟丘菟丘菟絲也見爾雅服之媚於人為人所愛也傳曰人服媚之如是一名荒

草夫

又東二十里曰苦山有獸焉名曰山膏其狀如逐豚

赤若丹火善噉好罵其上有木焉名曰黃棘黃華

而員葉其實如蘭服之不字字生也易曰女子貞不字有草焉員

葉而無莖赤華而不實名曰無條服之不癭

又東二十七里曰堵山神天愚居之是多怪風雨其

上有木焉名曰天楸音鞭方莖而葵狀服者不啞食不噎也

又東五十二里曰放臯之山放或作劾又作牧明水出焉南

流注于伊水其中多蒼玉有木焉其葉如槐黃華而

不實其名曰蒙木服之不惑有獸焉其狀如蜂枝尾

而反舌善呼好呼喚也其名曰文文

又東五十七里曰大磬之山多璵璠之玉多麋玉未詳

有草焉其狀葉如榆方莖而蒼傷其名曰牛傷猶言牛棘

其根蒼文服者不厥厥逆氣病可以禦兵其陽狂水出焉

西南流注于伊水其中多三足龜今吳興陽羨縣有君山山上有池水

中有三足六眼龜鼈龜食者無大疾可以已腫



又東七十里曰半石之山其上有草焉生而秀其高丈餘赤葉赤華華而不實初生先作穗却著葉花生穗間其名曰嘉

榮服之者不寔不畏雷霆霹靂也音廷搏之廷來需之水出於其陽

而西流注于伊水其中多鱸魚音倫黑文其狀如鮒食

者不睡合水出于其陰而北流注于洛多騰魚音騰狀

如鰕居遠鰕魚大口大目細鱗有斑彩遠水中之冗道交通者鰕音劇蒼文赤尾

食者不癰可以為瘦瘦癰屬也中多有虫淮南子曰雞頭已瘦音漏

又東五十里曰少室之山今在河南陽城西俗名秦室百草木成

困未詳其上有木焉其名曰帝休葉狀如楊其枝五衢

言樹枝交錯相重五出有象衢路也離騷曰靡萍九衢黃華黑實服者不怒其

上多玉此山巔亦有白玉膏得服之即得仙道世人不能上也時含神霧云其下多鐵

休水出焉而北流注于洛其中多鯢魚狀如鰌未詳

盤音併而長距足白而對未詳食者無蠱疾可以禦兵

又東三十里曰秦室之山即中嶽嵩高山也今在陽城縣西其上有

木焉葉狀如梨而赤理其名曰栢木音郁服者不妬有

草焉其狀如茱木似薊也白華黑實澤如蓂莢言子滑澤其名

曰莖草服之不昧上多美石次玉者也啓母化為石而生啓在此山見淮南子

又北三十里曰講山其上多玉多栢多栢有木焉名

曰帝屋葉狀如椒反傷赤實反傷刺下勾也可以禦凶



又北三十里曰嬰梁之上上多蒼玉

言蒼玉依

黑石而生也或曰鐔于樂器名形似推頭

又東三十里曰浮戲之山有木焉葉狀如樗而赤實

名曰亢木食之不蠱汜水出焉而北流注于河其東

有谷因名曰蛇谷

言此中出蛇故以名之

上多少辛

細辛也

又東四十里曰少陘之山有草焉名曰蒟草

音剛葉狀

如葵而赤莖白華實如蓂蓂食之不愚

言益人智

器難之

水出焉

或作罌

而北流注于役水

一作侵

又東南十里曰太山

別有東小太山今在朱虛縣汶水所出疑此非也

有草

焉名曰梨其葉狀如荻

荻亦蒿也音狄

而赤華可以已疽太

水出于其陽而東南流注于没水承水出于其陰而

東北流注于没

世謂之靖澗水

又東二十里曰末山上多赤金末水出焉北流注于

没

水經作沫

又東二十五里曰役山上多白金多鐵役水出焉北

注于河

又東三十五里曰敏山上有木焉其狀如荆白華而

赤實名曰薊

音計

栢服者不寒

令人耐寒

其陽多璆瑋之玉

又東三十里曰大騶之山

今榮陽密縣有大騶山騶因溝水所出音歸

其

陰多鐵美玉青瑩有草焉其狀如著而毛青華而白



實其名曰猿音猿服之不天言盡壽也可以為腹病

為治也 一作已

凡苦山之首自休與之山至于大騮之山凡十有九山千一百八十四里其十六神者皆豕身而人面其

祠毛牲用一羊羞言以羊為薦羞嬰用一藻玉瘞藻玉玉有五彩者也

或曰所以盛玉藻藉也苦山少室太室皆冢也其祠之太牢之

具嬰以吉玉其神狀皆人面而三首其餘屬皆豕身

人面也

中次八經荆山之首曰景山今在南郡界中其上多金玉其

木多杼檀杼音椽柱之柱睢水出焉睢音癰疝之疽東南流注于江

今睢水出新城魏昌縣東南發阿山東南至南郡枝江縣入江也其中多丹粟多文

魚有斑彩也

東北百里曰荆山今在新城沐鄉縣南其陰多鐵其陽多赤金

其中多犛牛犛牛屬也黑色出西南徼外也音狸音來多豹虎其木多

松柏其草多竹多橘櫟櫟似橘而大皮厚味酸漳水出焉而東

南流注于睢出荆山至南郡當陽縣入沮水其中多黃金多鮫魚鮫魚類也皮有珠文而堅尾長三四尺末有毒螫人其

皮可飾刀劔口錯治材角今臨海郡亦有之音交

獸多閭麋似鹿而大也又東北百五十里曰驕山其上多玉其下多青護其

木多松柏多桃枝鈎端神蠱圍處之蠱音蠱魚之蠱其狀如

魚之蠱



人面羊角虎爪恒遊于睢漳之淵淵水之府與也出入有光

又東北百二十里曰女几之山其上多玉其下多黃

金其獸多豹虎多閭麋麀鹿麀似獐而大猥其鳥多

白鷓鷓似雉而長尾走且鳴音驕多翟多鴝鴝大如鴝紫綠色長頸赤喙食蝮蛇頭雄

各運日雌各陰諧也

又東北二百里曰宓諸之出其上多金玉其下多青

護洧水出焉音詭而南流注于漳今洧水出南郡東流山至華容縣入江也

其中多白玉

又東北三百五十里曰綸山音倫其木多梓柟多桃枝

多相栗橘櫟相似梨而酢瀹其獸多閭麋麀麀似菟而鹿脚青色音綽

又東北二百里曰陸郟之山音如跪告之跪其上多璵璠之

玉其下多璽其木多柎檀

又東百三十里曰光山其上多碧其下多木神計蒙

處之其狀人身而龍首恒遊于漳淵出入必有飄風

暴雨

又東百五十里曰岐山其陽多赤金其陰多白珉石似

玉者音曼其上多金玉其下多青護其木多檇神涉蠹處

徒河切一作其狀人身而方面三足

又東百三十里曰銅山其上多金銀鐵其木多穀柞

相栗橘櫟其獸多豹



山海經卷之五  
又東北一百里曰美山其獸多兕牛多間麀多豕鹿  
其上多金其下多青護

又東北百里曰大堯之山其木多松柏多梓桑多机  
其草多竹其獸多豹虎麀麋

又東北三百里曰靈山其上多金玉其下多青護其  
木多桃李梅杏梅似杏而酢也

又東北七十里曰龍山上多寓木寄生也一名宛童見爾雅其上  
多碧其下多赤錫其草多桃枝鈎端

又東南五十里曰衡山上多寓木穀柞多黃堊白堊  
又東南七十里曰石山其上多金其下多青護多寓

木

又南百二十里曰若山其上多璵璠之玉多赭赤土多

邽石未詳多寓木多柘若或作前

又東南一百二十里曰彘山多美石多柘

又東南一百五十里曰玉山其上多金玉其下多碧

鐵其木多柏一作檜

又東南七十里曰謹山其木多檀多邽石多白錫白今

也郁水出于其上潛于其下其中多砥礪

又東北百五十里曰仁舉之山其木多穀柞其陽多  
赤金其陰多赭



又東五十里曰師每之山其陽多砥礪其陰多青護其木多柏多檀多柘其草多竹

又東南二百里曰琴鼓之山其木多穀柞椒柘樹小而叢生下有草木則蓋歟其上多白珉其下多洗石其獸多豕鹿

多白犀其鳥多鳩

凡荆山之首自景山至琴鼓之山凡二十三山二千

八百九十里其神狀皆鳥身而人面其祠用一雄雞

祈瘞禱請已埋之也用一藻圭糝用稌驕山冢也其祠用羞

酒少牢祈瘞嬰毛一璧

中次九經岷山之首曰女凡之山其上多石涅其木

多柎檀其草多菊茱洛水出焉東注于江其中多雄

黃雄黃亦出水中其獸多虎豹

又東北三百里曰岷山江水出焉岷山今在汶山郡廣陽縣西大江所

出東北流注于海至廣陽縣入海其中多良龜良善似蜎多鼃似蜎大

者長二丈有鱗彩皮可以冒鼓其上多金玉其下多白珉其木多梅

棠其獸多犀象多夔牛今蜀山中有大牛重數千斤名為夔牛晉太興元年此牛

出上庸郡人弩射殺得三十八檐肉即爾雅所謂魏其鳥多翰鷲白翰赤鷲

又東北一百四十里曰崆山江水出焉印來山今在漢嘉嚴道縣

南江水所自出也山有九折坂出東流注大江其陽猶狃似熊而黑白駿亦食銅鐵也

多黃金其陰多麋麀其木多檀柘其草多薤韭多葍



即蛇被空奪脫也

又東一百五十里曰岨山音居江水出焉北東流注于

大江其中多怪蛇今永昌郡有鈎蛇長數丈尾岐在水中鈎取岸上人牛馬啖之又呼

馬絆蛇謂多鰲魚音贊其木多櫛柎櫛剛木也中多

梅梓其獸多夔牛麤鼻犀兕有鳥焉狀如鴉而赤身

白首其名曰竊脂今呼小青桂曲背肉食者為竊脂疑此非也可以禦火

又東三百里曰高粱之山其上多堊其下多砥礪其

木多桃枝鈎端有草焉狀如葵而赤華莢實白柎可

以走馬

又東四百里曰蛇山其上多黃金其下多堊其木多

柎多豫樟其草多嘉榮少辛有獸焉其狀如狐而白

尾長耳名狔狼音巴見則國內有兵一作國

又東五百里曰禺山其陽多金其陰多白珉蒲鷄音

之水出焉而東流注于江其中多白玉其獸多犀象

熊羆多獫狁雌似獼猴鼻露上向尾四五尺頭有岐

兩指塞之

又東北三百里曰隅陽之山其上多金玉其下多青

護其木多梓桑其草多苾徐之水出焉東流注于江

其中多丹粟

又東二百五十里曰岐山今在扶風其上多白金其



下多鐵其木多梅梓梅或作蔽音多柎榘減水出焉東南流注于江

又東三百里曰勾欄之上音絡楛之楛其上多玉其下多

黃金其木多櫟柘其草多芍藥

又東一百五十里曰風雨之山其上多白金其下多

石涅其木多楸櫟楸木未詳也櫟木白理中櫟善二音多楊宣余之

水出焉東流注于江其中多蛇其獸多閭麋多麀豹

虎其鳥多白鷓

又東北二百里曰玉山其陽多銅其陰多赤金其木

多豫樟榘柎其獸多豕鹿麋麋其鳥多鳩

又東一百五十里曰熊山有穴焉熊之穴恒出神人

夏啓而冬閉是穴也冬啓乃必有兵今鄴西北有鼓山下有石鼓象

懸著山旁鳴則有軍事與此穴殊象而相應其上多白玉其下多白金其

木多檮柳其草多寇脫

又東一百四十里曰騮山其陽多美玉赤金其陰多

鐵其木多桃枝荆芭

又東二百里曰葛山其上多赤金其下多城石城石勁石

似玉也音緘其木多相栗橘櫟榘柎其獸多麋麋其草多

嘉榮

又東一百七十里曰賈超之山其陽多黃堊其陰多



美赭其木多相栗橘櫟其中多龍脩龍須也似莞而細生山石穴中以爲席

莖倒垂可

凡岷山之首自女几山至于賈超之山凡十六山三

千五百里其神狀皆馬身而龍首其祠毛用一雄雞

瘞糝用稌文山勾櫛風雨醜之山是皆冢也其祠之

羞酒先進酒以酌神少牢具嬰毛一吉玉熊山席也席者神之所憑

也其祠羞酒大牢具嬰毛一璧干儻用兵以禳禳祓除之

祭名儻者持盾武舞也祈璆冕舞所求福祥也祭用玉儻者冕服也美玉曰璆已求反

中次十經之首曰首陽之山其上多金玉無草木

又西五十里曰虎尾之山其木多椒楮多封石其陽

多赤金其陰多鐵

又西南五十里曰繁績音潰之山其木多檜柎其草多

枝勾今山中

又西南二十里曰勇石之山無草木多白金多水

又西二十里曰復州之山其木多檀其陽多黃金有

鳥焉其狀如鴉而一足彘尾其名曰跂踵見則其國

大疫銘曰跂踵爲鳥一足似夔不爲樂與反以來悲

又西三十里曰楮山多寓木多椒楮多柘多堊一作渚州

又西二十里曰又原之山其陽多青護其陰多鐵其

之西五十里曰水山其木多檜柎其草多枝勾



鳥多鸚鵡

鸚鵡也傳曰鸚鵡來巢音臞

又西五十里曰涿山其木多穀柞杻其陽多璆瑋之

玉西三十里曰峽山多木多穀柞杻其陽多璆瑋之

又西七十里曰丙山其木多梓檀多攷杻攷義所未詳

凡首陽山之首自首山至于丙山凡九山二百六十

七里其神狀皆龍身而人面其祠之毛用一雄雞瘞

糝用五種之糝堵山冢也其祠之少牢具羞酒祠嬰

毛一璧瘞騮山帝也其祠羞酒太牢其合巫祝二人

儻嬰一璧

中次一十一山經荆山之首曰翼望之山湍水出焉

鹿搏反

東流注于濟

今湍水逕南陽穰縣而入清水

貺水出焉

音東南

流注于漢其中多蛟

似蛇而四脚小頭細頸有白癭大者十數圍卵如一二石甕能

吞其上多松柏其下多漆梓其陽多赤金其陰多珉

又東北一百五十里曰朝歌之山無水出焉

無水今在南陽

舞陽縣音武

東南流注于滎其中多人魚其上多梓柞其

獸多麇麋有草焉名曰莽草可以毒魚

今用之殺魚

又東南二百里曰帝囷之山

去倫反

其陽多璆瑋之玉

其陰多鐵帝囷之水出于其上潛于其下多鳴蛇

又東南五十里曰視山其上多韭有井焉名曰天井

夏有水冬竭其上多桑多美聖金玉



又東南二百里曰前山其木多楮似柞子可食冬夏生作屋柱難腐音

諸或作儲多柏其陽多金其陰多赭

又東南三百里曰豐山有獸焉其狀如猿赤目赤喙黃身名曰雍和見則國有大恐神耕父處之常遊清

冷之淵出入有光清冷水在西號郊縣山上神來見時水赤有光耀今有屋祠之

則其國為敗有九鍾焉是知霜鳴霜降則鍾鳴故言知也物有自然感應而不其上多金其下多穀柞杻榲

可為也又東北八百里曰兔牀之山其陽多鐵其木多諸蕁其草多雞穀其本如雞卵其味酸甘食者利于人

又東六十里曰皮山多堊多赭其木多松柏

又東六十里曰瑤碧之山其木多梓柟其陰多青護其陽多白金有鳥焉其狀如雉恒食蜚名曰鳩蜚負盤也

音翡此更一種鳥非食蛇之鳩也又東四十里曰支離之山濟水出焉南流注于漢濟今

水出鄆縣西北山中南入漢鄆離音字亦同有鳥焉其名曰嬰勺其狀如鵠赤目赤喙白身其尾若勺似酒勺形其鳴自呼多牝牛

多羶羊又東北五十里曰秩簡之山音彫其上多松柏机柏机柏似柳皮黃不措子似棟着酒中飲之辟惡氣浣衣去垢核堅正黑可以間香纓一名括樓也

又西北一百里曰董理之山其上多松柏多美梓其



陰多丹護多金其獸多豹虎有鳥焉其狀如鵠青身  
白喙白目白尾名曰青耕可以禦疫其鳴自叫

又東南三十里曰依帖之山音枯其上多柎樞多苴未詳

音菹有獸焉其狀如犬虎爪有甲其名曰獐言體有鱗甲音吝

善駛牟跳躍自撲也食者不風不畏天風

又東南三十五里曰卽谷之山多美玉多玄豹黑豹也卽

今荊州山中也出黑虎也 多間塵多麇其陽多珉其陰多青護

又東南四十里曰雞山其上多美梓多桑其草多韭

又東南五十里曰高前之山其上有水焉甚寒而清

或作潛帝臺之漿也今河東解縣南檀首山上有水潛出停不流俗名爲盎漿卽此類也

飲之者不心痛其上有金其下有赭

又東南三十里曰游戲之山多柎樞穀多玉多封石

又東南三十五里曰從山其上多松柏其下多竹從

水出于其上潛于其下其中多三足鼈枝尾三足鼈各能見

爾雅食之無蠱疫

又東南三十里曰嬰磈之山音真其上多松柏其下多

梓樗

又東南三十里曰畢山帝苑之水出焉東北流注于

視其中多水玉多蛟其上多璵璠之玉

又東南二十里曰樂馬之山有獸焉其狀如彙赤如



丹火其名曰猴音庚見則其國大疫

又東南二十五里曰歲山視水出焉或曰視宜為瀕水今在南陽

也東南流注于汝水其中多人魚多蛟多頡如青

又東四十里曰嬰山其下多青護其上多金玉

又東三十里曰虎首之山多苴桐楛桐未詳也音彫

又東二十里曰嬰侯之山其上多封石其下多赤錫

又東五十里曰大孰之山殺水出焉東北流注于視

水其中多白堊

又東四十里曰卑山其上多桃李苴梓多纍今虎豆狸豆之

屬纍一名滕音誅

又東三十里曰倚帝之山其上多玉其下多金有獸

焉其狀如鼯鼠爾雅說鼠有十三種中有此鼠形所未詳也音狗吠之吠白耳白

喙名曰狙如音蛆見則其國有大兵

又東三十里曰鯢山音倪鯢水出于其上潛于其下其

中多美堊其上多金其下多青護

又東三十里曰雅山澧水出焉音禮今澧水出南陽東流注于

視水其中多大魚其上多美桑其下多苴多赤金

又東五十里曰宣山淪水出焉東南流注于視水其

中多蛟其上有桑焉大五十尺圍五丈也其枝四衢言枝交互

出四其葉大尺餘赤理黃華青柎名曰帝女之桑婦女主蠶



故以  
各桑

又東四十五里曰衡山今衡山在衡陽湘南縣南嶽也俗謂之响嶽山其上

多青鵠多桑其鳥多鸚鵡

又東四十里曰豐山其上多封石其木多桑多羊桃

狀如桃而方莖一名鬼桃可以為皮張治皮腫起

又東七十里曰姬山其上多美玉其下多金其草多

雞穀

又東三十里曰鮮山其木多櫛杻其草多薺冬其

陽多金其陰多鐵有獸焉其狀如膜大赤喙赤目白

尾見則其邑有火名曰移音移

又東三十里曰章山或作童山其陽多金其陰多美石臯

水出焉東流注于澧水其中多脆石未聞魚脆反

又東二十五里曰大支之山其陽多金其木多穀柞

無草木

又東五十里曰區吳之山其木多苴

又東五十里曰聲匈之山其木多穀多玉上多封石

又東五十里曰大騮之山上已有此山疑同名其陽多赤金其

陰多砥石

又東十里曰踵曰之山無草木

又東北七十里曰歷或作磨石之山其木多荆芑其陽



多黃金其陰多砥石有獸焉其狀如狸而白首虎爪  
名曰梁渠見則其國有大兵

又東南一百里曰求山求水出于其上潛于其下中  
有美楮其木多苴多簠籛屬其陽多金其陰多鐵

又東二百里曰丑陽之山其上多桐楮有鳥焉其狀  
如烏而赤足名曰馭餘音如枳柑之枳可以禦火

又東三百里曰奧山其上多柏柎榘其陽多瓊瑀之  
玉奧水出焉東流注于視水

又東三十五里曰服山其木多苴其上多封石其下  
多赤錫

又東百十里曰杳山其上多嘉榮草多金玉

又東三百五十里曰几山其木多櫛檀柎其草多香  
有獸焉其狀如彘黃身白頭白尾名曰聞隣音隣見則

天下大風隣一作  
靛音瓶

凡荆山之首自翼望之山至于几山凡四十八山三  
千七百三十二里其神狀皆彘身人首其祠毛用一

雄雞祈瘞用一珪糝用五種之精禾山帝也其祠太  
牢之具羞瘞倒毛薦羞反制  
牲埋之也用一璧牛無常堵山玉

山冢也皆倒祠羞毛少牢嬰毛吉玉

中次十二經洞庭山之首曰篇遇之山或作  
肩無草木



多黃金

又東南五十里曰雲山無草木有桂竹甚毒傷人必

死今始興郡桂陽縣出筴竹大者圍二尺長四丈又交趾有筴竹實中勁強有毒銳以刺虎中之則死

亦此類也其上多黃金其下多璵璠之玉

又東南一百三十里曰龜山其木多穀柞桐楮其上

多黃金其下多青雄黃多扶竹叩竹也高節實中中杖也名之扶老竹

又東七十里曰丙山多筴竹多黃金銅鐵無木

又東南五十里曰風伯之山其上多金玉其下多瘞

石文石未詳瘞石之義多鐵其木多柳柎檀楮其東有林焉

名曰莽浮之林多美木鳥獸

又東一百五十里曰夫夫之山其上多黃金其下多

青雄黃其木多桑楮其草多竹雞鼓神于兒居之其

狀人身而身操兩蛇常遊于江淵出入有光

又東南一百二十里曰洞庭之山今長沙巴陵縣西又有洞庭陂潛伏

通江離騷曰遭吾道兮洞庭洞庭波兮木葉下皆謂此也字或作銅空從水其上多黃金

其下多銀鐵其木多粗黎橘櫟其草多薺蘼蕪芍藥

芎藭蘼蕪似蛇狀而香也帝之二女居之天帝之二女而處江

二女也離騷九歌所謂湘夫人稱帝子者是也而河

圖玉版曰相夫人者帝堯女也秦始皇浮江至湘山

逢大風而問博士湘君何神博士曰聞之堯二女舜

妃也死而葬此列女傳曰二女死于江湘之間俗謂

山海經

卷之五

五



歌湘君湘夫人自是二神江湘之有夫人猶河洛之  
 有處妃也此之為靈與天地並矣安得謂之堯女且  
 既謂之堯女安得復總云湘君哉何以考之禮記曰  
 舜葬蒼梧二妃不從明二妃生不從征死不從葬義  
 可知矣即令從之二女靈達鑿通無方尚能以鳥工  
 龍裳救井廩之難豈當不能自免于風波而有雙淪  
 之患乎假復如此傳曰生為上公死為貴神禮五嶽  
 比三公四瀆比諸侯令湘川不及四瀆無秩於命祀  
 而二女帝者之后配靈神祇無緣當復下降小水而  
 為夫人也參互其義義既混錯綜其理無可據  
 斯不然矣原其致謬之由由乎俱以帝女為名名  
 實相亂莫矯其失習非勝是終古不悟可悲矣是  
 常遊于江淵澧沅之風交瀟湘之淵此言二女遊戲  
 江之淵府則能  
 鼓三江令風波之氣共相交通言其靈響之意也江  
 湘沅水皆共會巴陵頭故號為三江之口澧又去之  
 七八十里而入江馬淮南子曰弋是在九江之間  
 地  
 釣瀟湘今所在未詳也瀟音消是在九江之間  
 地  
 志九江今在潯陽南江自潯陽而分為出入必以飄  
 理  
 九皆東會于大江書曰九江孔殷是也

風暴雨是多怪神狀如人而載蛇左右手操蛇多怪  
 鳥

又東南一百八十里曰暴山其木多椶柎荆芭竹箭  
 籊籊箭亦篠類中  
 箭見禹貢其上多黃金玉其下多文石鐵其

獸多麋鹿麇就就鵬也  
 見廣雅

又東南二百里曰即公之山其上多黃金其下多璵  
 璠之玉其木多柳柎檀桑有獸焉其狀如龜而白身  
 赤首名曰蜺音  
 詭是可以禦火

又東南一百五十九理曰堯山其陰多黃堊其陽多  
 黃金其木多荆芭柳檀其草多諸蕝菜



又東南一百里曰江浮之山其上多銀砥礪無草木其獸多豕鹿

又東二百里曰真陵之山其上多黃金其下多玉其木多穀柞柳杻其草多榮草

又東南一百二十里曰陽帝之山多美銅其木多檀杻麋楮麋山桑也其獸多麇麇

又南九十里曰柴桑之山今在潯陽柴桑縣南共廬山相連也其上多銀其下多碧多冷石楮其木多柳芭楮桑其獸多麋

鹿多白蛇飛蛇即騰蛇乘霧而飛者又東二百三十里曰榮余之山其上多銅其下多銀

其木多柳芭其蟲多怪蛇怪蟲

凡洞庭山之首自篇遇之山至于榮余之上凡十五

山二千八百里其神狀皆鳥身而龍首其祠毛用一雄雞一牝豚剗亦割刺之名糈用稌凡夫夫之山即公之

山堯山陽帝之山皆冢也其祠皆肆瘞肆陳之也陳牲玉而後埋藏祈用酒毛用少牢嬰毛一吉玉洞庭榮余山神也

其祠皆肆瘞肆竟然後依前埋之也祈酒太牢祠嬰用圭璧十

五五彩惠之惠猶飾也方言也右中經之山志大凡百九十七山二萬一千三百七十一里大凡天下各山五千三百七十居地大凡六



山海經卷之五  
萬四千五十六里

禹曰天下名山經五千三百七十山六萬四千五百六里居地也言其五臧蓋其餘小山甚衆不足記云天地之東西二萬八千里南北二萬六千里出水之山者八千里受水者八千里出銅之山四百六十七出鐵之山三千六百九十此天地之所分壤樹穀也戈矛之所發也刀鍛之所起也能者有餘拙者不足封於太山禪於梁父七十二家得失之數皆在此內是謂國用

管子地數云封禪之五七十二家也

右五臧山經五篇大凡一萬五千五百三字

終



